

REGULÆ
INTERPRETATIONIS
JURIDICÆ

PRÆSTANTIORES,



EX ADÆQUATIS PRINCIPIIS

DEMONSTRATÆ,

ET AD CASUS CIVILES APPLICATÆ;

ACCEDIT

EXERCITATIO ACADEMICA

DE

INDOLE ET REQUISITIS

VALIDÆ RENUNCIATIONIS,

STUDIO

CAROLI AUGUSTI RITTERI

ADV. ELI SAXON. IMMATR. ET JUR. PRACT. LIPS.

L I P S I Æ,

L I T T E R I S T A K K I A N I S.

IMP. JUSTINIANUS

De Conceptione Digestor. §. 12. 13.

Non liceat juris peritis verbositate sua codicis compendium confundere, quemadmodum in antiquioribus factum est, cum per contrarias interpretantium sententias, totum jus pene conturbatum est. Ne autem per scripturam aliqua imposterum fiat dubitatio: Jubemus non per simplorum captiones & compendiosa anigmata quæ multas per se & per suum vitium antinomias induxerunt, ejusdem codicis textum conscribi &c. sed per literarum consequentiam explanari concedimus.

VIRO
ILLUSTRI, AMPLISSIMO, CONSULTISSIMO,
D O M I N O
D. JOANNI AUGUSTO Sölzel
A STERNSTEIN,
COMITI PALATINO CÆSAREO,
POTENTISSIMO REGI POLONIARUM
ET ELECTORI SAXONIÆ A CON-
SILIIS AULÆ ATQUE
JUSTITIÆ,
SCABINATUS ADSESSORI GRAVISSIMO,
CIVITATIS PATRIÆ PRO-CONSULI
SPECTATISSIMO
RELIQUA
UT ET

VIRO
MAGNIFICO, EXCELLENTISSIMO,
CONSULTISSIMO,
D O M I N O
D. JOANNI FLORENTI RIVINO,
JCTO CELEBERRIMO,
COD. IN ACADEMIA LIPSIENSI PROF. PUBL.
AMPLISS. FACULTATIS JURIDICÆ
ADSESSORI SPECTATISSIMO,
REVERENDI CAPITULI NUMBURGENSIS ET WURZENSIS
CANONICO, HUIUSQUE SENIORI.

D O M I N I S
ATQUE PATRONIS SUIS,
PERENNI OBSERVANTIÆ CULTU
DEVENERANDIS,
DULCI, PATERNÆ QUONDAM
AMICITIÆ AC NECESSITUDINIS RE-
CORDATIONE PERMOTUS,
HONORIS AC PIETATIS CAUSA,
QUALEQUALE HOC OPUSCULUM
EA, QUAE PAR EST ANIMI DEMIS-
SIONE DICAT DEDICATQUE.

A U T O R.



§. I.

Mentem, sententiam ac voluntatem alterius ex ejus sermone, & ubi hic obscuritate aut ambiguitate laborat, ex hujus circumstantiis concludimus, quæ ratiocinationis species, Interpretatio, atque si ejus objectum sunt enunciationes juridicæ, juridica audit. Enunciationes autem juridicæ sunt, quæ circa jura & obligationes hominum efferuntur. Adeoque *Interpretatio juridica est Ratiocinatio, quæ ex enunciatione juridica, ejusque circumstantiis, mentem sententiamve proferentis concludimus.*

§. II.

Omnis enunciationis rectitudo atque perfectio consistit in determinata ejusdem quantitate & qualitate, seu adæquata universalitate & particularitate, affirmatione & negatione, quæ scilicet nec plura nec pauciora, nec generaliora nec specialiora verba ponuntur, quam quæ ad exprimendas notiones rebus convenientes sufficiunt; per log. Ergo & enunciationis juridicæ rectitudo in eo vertitur, si talia ponantur verba, quæ notiones ac mentem loquentis distincte & adæquate exprimunt. Viria quapropter notionum atque enunciationum sunt a) *Obscuritas, quæ id quod exprimitur, nullo modo concipere, intelligere & ab aliis distinguere valemus;* b) *Ambiguitas, quæ istud pluribus modis ac sensu vario accipi potest.* vid. Godofred. ad l. 29. ff. d. pact.

A

§. III.

§. III.

Quando in solis vocabulis & verborum connexionem deprehenditur obscuritas, eorundem declaratio ex usu loquendi & regulis grammaticis facienda, quæ interpretatio declarativa s. verbalis nominatur. In dubio igitur communem loquendi usum, siue proprium & maxime usitatum verborum significatum sequimur. l. 69. ff. d. legat. 3. l. 7. §. 2. ff. d. suppellect. leg.

Ita multa legum tam latinarum, quam germanicarum vocabula, maxime antiquiora, ignavis & tyronibus declaranda veniunt, v. g. quid in jure romano significant As, uncia, Instrumentum, Superficies, Solum, Tignum, pauperiem facere, Municeps, Incola, Forensis &c. Item in legibus germanorum & Saxon. voces: Aßter = Behn, Behnträger, Busse, Erbzinns, kriegischer Vormund, Kummer, Mußtheil, Rißfelgerade, Schwerdtmagen, Spillmagen, Urgicht, Urfehde, Webergeld, Weichbild &c. Ejusmodi terminorum, formularum, phrasiumque expositioni inserviunt, latinis, Tit. ff. d. Verb. & rer. Significat. germanis, Wehneri, Besoldi, Speideli, Fritschii aliorumque lexica juris.

§. IV.

Circumstantia sunt sensationes seu Adjuncta, quæ circa rei existentiam quoad objectum, subjectum, locum, tempus, causam, modum, aliæque connexa obversantur; atque cum rei existentiam vel antecedant, vel comitentur vel insequantur, in antecedentia, concomitantia & consequentia distinguuntur. Potiora sunt, quæ ipsius loquentis indolem & affectus, causam impulsivam atque finem, materiam denique substratam seu enuntiationis objectum ejusque a legibus ac usu communi jam determinatam naturam, jurave & obligationes eo regulariter connexas respiciunt. Attenta igitur harum maxime circumstantiarum consideratio erit habenda.

Nota

Not. *Causa impulsiva* f. *ratio movens* est representatio boni aut mali, quatenus voluntatem ad agendum movet atque alere cupiat. Ille vero effectus, quem actione nostra existere cupimus, *Finis* dicitur. Inde simul patet, representationem ejus, quod fine intendimus, adeoque notionem ipsius finis, in notione causæ impulsivæ simul contineri, jg. infra §. 6.

§. V.

Ex dictis facile colligitur, non solum ipsa enunciationis ambiguae verba ac terminos, *subjecta & predicata istius exprimantes, sed & alias ejusdem orationis propositiones clariores, propositionem ambiguae antecedentes aut consequentes, probe attendendas atque ponderandas, eoque notiones ambiguas & obscuras ex aliis connexis notionibus magis determinatis & clarioribus esse evolvendas atque declarandas.*

Hac ratione quæstionem ex §. 14. Ord. cambial, Lipsienf. antea multum controversam: an scil. Creditor cambii ad nundinas Lipsienses directi, solutionem, finitis statim campanæ signo nundinis, rigore cambiali exigere queat, an vero diem solutionibus nundinalibus ordinaire dictum, den ordentlichen Zahl-Tag der Meß-Zahl-Woche expectare teneatur? *beneficio propositionum connexarum* enotare poteris. Connectuntur nimirum in d. §. 14. sequentes propositiones:

1) Das der gewöhnliche Zahl-Tag die Verfall-Zeit der endlichen Zahlung und Proteste sep.

2) Daß dieser Tag zur endlichen exaction oder protestation verordnet sep.

3) Daß es bey dem Churfürstlichen Decisiv-Befehl d. a. 1669. (darinnen gleichfalls der Zahl-Tag als Terminus der Verfallzeit in der Zahlung, so wohl der Proteste in Wechsel-Briefsen, gesetzet wird,) sein Verbleiben habe.

4) Daß jedoch jeden frey stehen solle, die Zahlung derer ordentlichen Meß-Wechsel auch die ersten und folgende Tage

der Zahl- Woche zu thun ic. Quatenus igitur in 1. 2. & 3. enunciatione, dies iste, Terminus solutionis extremus, die Verfallzeit und Terminus der endlichen Zahlung, so wohl derer Proesse &c. iterumque in §. 21. d. Ord. cambial. Der Verfall- Tag und endliche Zahl- Termin auf welchen die Bezahlung præcise geschehen ic. oder sonst, der Creditor nach Wechsel- Recht dieselbe zu suchen, Macht haben und befugt seyn solle, dicitur; eatenus patet, eum esse terminum, quo Debitor cambial. solutionem necessario præstare, & Creditor eandem cum effectu petere atque exigere potest, adeoque ante istius adventum, solutionem quidem moneri, non vero rigore cambiali exigi posse. Quatenus porro in 4ta enuntiatione debitoris arbitrio relinquitur, ~~etiam primis~~ secundæ hebdomatis diebus solutionem faciendi; ad id vero quod alicujus arbitrio relinquitur, is invitus cogi nequeat, seu quod voluntatis est non possit esse necessitatis; eatenus iterum liquet, Debitorem cambialem primis istis diebus ad solvendum haud posse compelli. vid. omnin. Magnif. Dn. D. Rivini Dissert. lectu dignissimam, de Clausula cambial. Lips. 1725. hab. §. 15. Ceterum quia Ord. Camb. Lips. tantummodo circa debita cambialia disponit; sequitur, eandem ad debita executiva aliaque civilia haud esse proferendam, sed ea primis statim diebus post nundinas campanæ signo finitas exigi & cum effectu peti posse.

Ita porro memini, spectabilis cujusdam Judicii Lips. Dominum Præsidentem ex §. 3. Append. O. P. S. R. eam aliquando tenuisse opinionem, ac si in causis executivis quibusvis, etiam minutis ac levioribus, prima Citatio spatium saxonicum integrum continere deberet, atque etiam in uno alterove casu mihi obveniente, ubi summa Documenti vix decem aut viginti Thaleros attingebat, ita ordinasse. Cum vero d. §. 3. Append. lese ad Tit. IV. Ord. rec. expresse referat, ubi in §. 1. causæ leviores in genere a spatio Citationum ordinario præprimis sunt exceptæ; non perspicio qua ratione, habita istorum locorum inter se connexionum

nexorum diligenti collatione, talis interpretatio evenire potuit; Unde & ista praxis postmodum desit, & nunc Citationes in causis quoque, executivis minutis sub spatio 8. aut 14. dierum emitti observamus.

§. VI.

Cujusvis rei intimior cognitio procedit ex ejusdem ratione s. causa proxima, quæ in moralibus finis appellatur, cuive connexa est causa sic dicta impulsiva s. ratio. movens; §. 4. Not. nam qui finem intendit, ea quoque intendere debet, quæ fini obtinendo maxime inserviunt. ax. moral. Ergo *Et in enunciationibus juridicis, loquentis voluntas ex ratione ac fine ejus proximo optime cognoscitur, firmoque inde ratiocinio possumus concludere ad ea quæ in tali enunciatione aut plane non, aut non clare satis determinata sunt.*

§. VII.

Finis itaque enunciantis proximus & adæquatus est principium primum interpretandi enunciationes juridicas ambiguas, §. præced. Cum vero istarum ambiguitas ex eo descendat, si enuncians aut plura & generaliora, aut pauciora & specialiora verba quam quæ ad notiones ac mentem ejus exprimendam sufficiunt, adhibuerit, §. 2. Hinc priori casu verba plura & generalia, ad finem loquentis specialem & particularem restringenda, posteriori vero, pauciora ista & specialia, ad finem generaliore & magis universalem extendenda veniunt; altera *Restriktiva*, altera *Extensiva Interpretationis* nomine venit. jg. B. Menck. ad ff. d. J. & J. §. 5. Unde simul veritas liquet & frequens applicatio axiomatum famosorum: quod scil. eadem juris ratio, eandem involvat dispositionem; cessante autem ratione, cesset quoque dispositio legis aut voluntatis juridicæ.

Nimirum extensiva Interpretatione, verba enunciationis pauciora, specialia & angustiora fine, ad similes res atque casus,

casus, ratione generali comprehensos proferuntur. Ita cum v. g. princeps urgente annona, frumenti exportationem prohibuerit, facile colligimus, ob rationem prohibitionis generalem, etiam farinæ & panium exportationem esse interdictam. Ita Potentissimus Saxonum Lator dispositio- nem Mandati d. a. 1724. von Aufborgen junger Leute &c. qua personæ 25. annis minores, ex cambiis nulla ratione obli- gantur, quin & ejus quod Creditori sponte solverunt, con- dictionem intra quadriennium instituire possunt &c. ob rationis generalitatem ad feminas quoque 25. annis mino- res (quarum mentio in d. Mandato facta non fuerat) exten- dit, per Rescript. Reg. d. d. 18. Mart. 1727.

Contra vero in *restrictiva Interpretatione*, verba enun- ciationis *plura, generalia, & latiora sine*, ita limitantur, ut ad eas tantum pauciores & particulares res atque ca- sus, qui fini particulari vere subsunt, applicentur. Ita in Novell. 115. §. 10. poena exheredationis statuitur in filium si mimos & arenarios sequatur. Ratio est, quia ista profes- sio exilimationis maculam infert, eoque ipso familiæ ac parentum famæ quodammodo præjudicium fit. Cum igitur ratio ista specialis exulet, si ipse parens ejusdem fue- rit conditionis; hinc quoque illa legis dispositio hoc casu omnino cessat. Sed cum in d. Nov. §. 6. filius exheres di- catur, si novercæ vel concubinæ patris se immiscuerit, fa- cile patet, eandem dispositionem omnino extendendam es- se ad casum ubi filius cum propria concubuerit matre; Nam ratio legis in gravitate injuriæ, parentis thorum vio- lando posita, eo magis quoque ad incestum cum matre spectat. Hoc itaque casu ubi verba d. §. 6. evidentissime pauciora ac specialiora sunt ratione, locus omnino erit in- terpretationi extensivæ; adeoque cum & eadem injuriæ gravitas respectu matris adsit, si filia incestum cum vitri- co aut patre commiserit, ipsa quoque hæc ratio, disposi- tione generali §. 2. d. Nov. quæ gravem & inhonestam inju- riam, generaliter ut causam exheredationis legitimam pro- nunciat, jam contingatur; inde haud dubium erit, idem exha-

exhæredandi jus quoque competere matri adversus filiam cum vitrico aut ipso patre concumbentem, B. Beyer ad Inst. de Exhæred. lib. pos. 18. Dissentit quidem Hopp. in Comment. ad J. d. lib. exher. §. 2. sed absque ratione sufficiente. Neque obstat vulgaris illa, de odiosis haud extendendis, regula, quippe cujus inutilitatem infr. §. 15. monstrabimus. Inconcussa vere & nulli exceptioni obnoxia consistit regula jam demonstrata: *quod cognitæ legis ratione vera, & adæquata, firmo ratiocinio concludere valeamus ad casus eadem comprehensos aut non comprehensos.*

Cum igitur secundum dicta, in extensiva pariter ac restrictiva interpretatione, maxime ad similitudinem ac diversitatem rerum, casuum atque rationum enunciationis juridicæ respiciendum sit; hinc porro elucescit, quod summa extensivæ ac restrict. interpretationis fundamenta, & philosophorum omnino præceptis & indole rerum identicarum & diversarum, similum ac dissimilium, correlatorum & contrariorum &c. repetenda veniant, ex quibus & famosa illa juris brocardica dimanarunt: *Similium; correlatorum, æquiparatorum, quatenus, seu ea, qua conveniunt, eandem esse naturam eademque jura; & contra Dissimilium, contrariorum, disparatorum, quatenus discrepant, naturam quoque ac jura esse diversa.* vid. quæ ad l. 41. ff. d. R. J. notavit Gothofredus, Carpz. P. 2. C. 13. D. 21. n. 2. 3. Severam itaque attentionem omnino merentur ea, in quibus rationes, res atque casus legum vere similes dici possunt atque identicæ, probe pensitando an ista similitudo ac paritas perfecte quoad essentiam, an ex aliqua tantum parte accidentali intercedat; & deprehendes, multa argumento cujusdam legis a DD. asseri, in quibus nulla, aut mere tantum accidentalis similitudo intervenit. Exempla correlatorum sunt emtor & venditor, merx & pretium, parentes & liberi, maritus & uxor, actor & reus &c. & in genere, quorum unum, rationem continet alterius. Wolff. Met. germ. §. 188. Inde beneficium l. 2. C. d. resc. vend. quamvis d. l. 2. tantummodo de venditore &

& re vendita loquatur, recte a Commentatoribus ad emptorem quoque & pretium rei extenditur, cum utrinque correlatio & rationis æqualitas adsit. vid. Demonstrat. nostr. jurid. de Subhastat. §. 28. Si nile exemplum habes, in l. r. C. d. Cupress. ex Iuco. l. 3. C. d. indict. viduit. & alibi passim.

§. VIII. a.

Regularum ac propositionum specialium rationes continentur in regulis ac propositionibus generalioribus. Wolff. Metaph. germ. §. 107. Jam vero omnium legum humanarum rationes in Juris naturalis pariter ac Prudentiæ civilis generalioribus præceptis contineri constat; vid. Dn. D. Mülleri Natur und Wälder. Recht C. 19. §. 3. & 4. siquidem leges civiles media determinant, quibus fines Juris naturæ optime implentur; Id. c. l. Not. ad §. 3. Atque legum dubiarum explanationem, ex earundem maxime rationum cognitione procedere §. antec. 6. ostendimus; Proinde bonum legum interpretem, exacta principiorum tam Juris naturalis, quam Prudentiæ civilis cognitione pollere omnino debere, nemo non perspicit.

§. VIII. b.

Quandoque finis s. ratio in ipsa lege ac dispositione iuridica simul exprimitur; quandoque non, aut non ingenuè & clare satis exponitur, adeoque ex reliquis circumstantiis §. 3. memoratis, quarum cognitioni magnam partem intervit historia temporis, status & nævorum reipublicæ, indoles & affectus Latoris & procerum &c. colligenda ac eruenda venit. Ita multæ legum Romanarum obscuræ aut palliatæ rationes, ex istius ævi historia ac reipublicæ Romanæ statu nobis innotescunt, magnam interpretationi legum istarum ferentes opem. Omnino hic legi merentur ea, quæ Præcellentiss. D. D. Glassey, Aul. Reg. Polon. Consiliarius &c. in der Einleit. zur Bürgerl. Rechts-Gelehrsamkeit, de habitu &

& rationibus legum romanarum, ex historia & statu reipublice romanae cognoscendis, elegantissime exposuit.

§. IX.

Cum igitur interpretatio juridica sit ratiocinatio, adeoque certis nitatur regulis, sine quarum applicatione vera interpretatio haud existit; patet *interpretationem sic dictam arbitriariam & usulem, veram non esse interpretationem, nisi quatenus dictis regulis exacte congruit.* Non penitus itaque, uti nonnulli opinantur, reprobanda est vulgaris ista Divisio, siquidem & JCtus, & usus civium, & ipse Princeps interpretationem suscipere potest, regulis modo convenientem. jg. Magnif. Leyseri elegantiss. Dissertat. de Superstitione juridica &c. Cap. 3. §. 2.

§. IX.

Quando finis ac ratio enunciantis non satis evidens est, aut ambiguitati voluntatis iudiciorum tollendae haud sufficit; tum circumstantiae objecti seu materiae substratae potissimum interpretandi fundamentum praebent. §. 3. Scilicet aliunde constet, quodvis objectum juridicum suis attributis seu requisitis naturalibus gaudere, quae ex legum civilium determinatione ac usus communis praesumptione, eidem ordinarie inesse vel adesse censentur, Struv. Exere. J. C. 6. §. 23. atque ista objecti naturalia quibusvis privatorum dispositionibus, pactis, testamentis &c. nisi expresse ac evidenter fuerint mutata, regulariter inesse praesumuntur; cf. Demonstrat. nostr. jurid. de Subhastat. 1739. edit. §. 17. unde & in iudicis enunciationibus; in dubio facienda erit interpretatio secundum materiam substratam, seu naturalia objecti a legibus usuque communi jam determinata, sive ut potius ad legum civilium normam, quam alia ratione aliquam fieri velit disponens, Carpz. P. 2. C. 45. D. 30. n. 9. id. ut minimum recedatur a Jure communi; Cap. 8. X. d. confyst. jg. Barth. Hodog. Forens. p. 11. 610.

Primum ex proprietatibus seu attributis materię substra-
 communibus ac legalibus, certa formatur propositio; ex
 qua tanquam principio, ope ratiocinii legitimi, voluntas
 enunciantis ambigua determinatur. Exemplo sit chiro-
 graphum quo Debitor solutionem distinctis terminis, heh-
 mlich 100 Rthle in 14. Tagen nach der nächstkommenden Ver-
 ziger Nien Jahr: Messe, 100. Rthle. in 14. Tagen nach der
 Oster: Messe re. faciendam promiserat. Dubium eme-
 git; an isti quaterdecim ab ultimo primę hebdomadę die
 da der Markt ausgelautet wird, an potius a fine sequioris
 septimanę solutionibus destinata, nach Ablauf der Zahl-
 Woche currere incipiant? Cum autem ex materię substra-
 te naturalibus constet, solutiones in undinis promissas
 non in primę sed sequiori hebdomate solutionibus dicatę,
 ordinari fieri & exigi posse; per l. un. C. d. und. §g. Const.
 El. Sax. 30. P. 1: Inde vi oppositorum recte concludi-
 tur; solutionem post undinas promissam, elapsi nemum
 altera hebdomate posse urgeri, idenque & hoc in casu ver-
 minum a quo computandum est, von dem Ausgange der
 Zahl- Woche.

Ita quoque in codicillari quadam Dispositione, inter alia
 & hæc adjecerat testator: Ich will auch meiner Eheleibsten
 den Usufructum von dem Erb- Theile meines mit ihr er-
 zeugten Sohnes, bis in dessen zurückgelegtes sechzehnde Jahr,
 legittim haben, dagegen sie aber auch schuldig seyn soll, diesen
 ihren Sohn behörig zu unterhalten und zu erziehen etc. Es
 soll ihr aber jedoch frey stehen und nachgelassen seyn, daserne
 sie angeregten Nießbrauch vor sich nicht fürdglich finden
 mögte, sich dessen zu begeben und von des Kindes Alimenta-
 tion dadurch zu entledigen. Perceperat defuncto testatore
 usufructum mater fere decem per annos & alimenta filio
 præstiterat, sed sumptibus illorum forte crescentibus, renun-
 ciare volebat usufructui & alendi oneri, cui vero filii tutor
 reclamabat, eo quod legatum semel agnoverit mater. Enun-
 ciatio testatoris in eo dubia est, an licentia sit matri, usum-
 fructum ab initio filium, an facta quoque ejus agnitione &

lic quovis tempore repudiandi? Ex fine, qui & matris & filii favorem respicit, nil certi potest definiti. Quaeque cum enunciationis objectum sit legatum cum onere interpretatio omnino facienda secundum naturalis objecti legibus determinata, i. qua voluntas testatoris magis convenit iuri communi, secundum quod legatum est in genere jus cum onere conjunctum semel acceptatum, invito altero repudiare iterum non licet, arg. l. 15. pr. ff. d. alim. leg. l. 5. §. 1. d. leg. 2. Prouti & in isto casu a Senatu Academico Lips. Mens. Aug. 1732. judicatum est, hac addita ratione: *Da weil die hinterlassene Frau Wittwe, die Disposition ihres seel. Ehemannes agnosciret und den ihr darinnen beschiedenen Usumfructum erlieset, mithin ihrem facto nicht contraveniren kan ac.*

§. X. *solent communiter pactis, contractibus, testamentis &c. speciales hinc inde restrictiones, arque limitationes, ut conditio, modus, dies &c. accedere; vid. Tit. ff. d. condit. insti. ff. de cond. & demonst. Cum vero accessoria regulariter sequantur naturam principalis, & voluntatis iuridicæ ambiguitas ex notionibus materiæ substratæ, & objecti naturalibus sit expedienda; §. 9. b. Inde & ista conventionum accessoria, quatenus ambiguitate laborant, & ex fine enunciantis explicari nequeunt, optime eandem interpretaveris ex generalioribus & naturalibus objectis & pacti principalis.*

Ita in pactis dotalibus die 2. Januarii 1738. initis, promissioni dotis hæc addita legebatur conditio: *Es verspricht hienächst der Braut Vater seiner lieben Tochter 2000. Rthlr. zum Ehe-Gelde mit zu geben und solche dem Herrn Bräutigam den Tag nach der Hochzeit auszuahlen; jedoch mit dieser Bedingung, daß daſerne die Braut, als dessen künftige Ehe-Liebste binnen 2. Jahren ohne erzeugte Leibes-Erben sterben sollte, sodann der Herr Bräutigam als künftiger Schwiegersohn, die Helffte davon an 1000. Rthlr. an dem*

Schwieger-Vater oder dessen Erben Hinwiederum restituiren und zurückgeben sollte. Desponsatorum nuptias demum M. Jul. d. a. sequebantur, & uxore post annum mensesque novem sine prole demortua, illius pater restitutionem a Genere renuente postulabat. Quæstio igitur controversa in eo vertebatur: an tempus biennale, intra quod restitutio 1000. Rthlr. faciendi, a tempore pactorum dotalium initiorum, an vero consummati per copulam matrimonii his computandum? Si enim a termino priori, scil. Januar. 1738. computatio fieret, biennium esset effluxum & restitutio peti haud posset. Cum autem ex fine hujus conditionis, qui socii ejusve heredum favorem respicit, nihil hic definiri possit, quia favorem illius, in præjudicium generi haud convenit extendere; ergo ex notionibus juris & pactorum dotalium naturalibus & generalioribus etiam hoc petenda erit interpretatio. Jam vero constat quod omne jus mariti initium bonorum dotalium aliorumque uxoris, initium capiat ex tempore quo copula & thori consensio facta est, Const. Elect. Sax. 19. P. 3. ibique Carpz. Def. 1. adeoque & obligatio ac opus istu juri connexum, (ex natura scil. correlatorum, vid. §. præc. 7. in fin.) eodem tempore incipit; Unde omnino consequitur, istud tempus biennale, ad quod dimidte doris restitutio adstricta erat, a consummatis nuptiis, neutiquam vero ex die quo pacta dotalia sunt conclusa, computandum, & hinc socii conditionem 1000. Rthlr. hoc casu omnino esse fundam.

§. XI.

Ex § 9. simul patet, in contractibus, ubi alter contractentium jus aliquod singulare, scil. quod a naturalibus contractus deservit, pretendit, in dubio contra ipsum interpretationem esse faciendam, ita scil. ut minus recedatur a naturalibus contractus jure civili jam determinatis. Ita in Contractu Emptionis-venditæ, contra venditorem editionem præstare volentem, id. amorem qui rei venditæ. Et ut supra præsumit

non statim solvere vult, in dubio pronuntiandum erit. vid. Ludovici Doctr. ff. d. contr. emt. §.

§. XII.

In omnibus enunciationibus dubiis, quæ pactis, renunciationibus, testamentis &c. continentur, ea in dubio interpretatio habenda, quæ determinationibus ac præsumptionibus legum magis convenit. §. 9. Atqui leges per naturam præsumunt quemlibet sibi magis suisque, quam aliis favere, voluisse; vid. Puffendorff. Jur. Nat. & G. L. 2. C. 3. §. 14. & L. 4. C. 11. §. 2. 15. 16. prætereaque ex principiis pactorum naturalibus constat, jura quæ iisdem acquirere aut sibi remitti intendit alter, ante pactum solis legibus aut non, aut non perfecte competere acquirenti; Id. L. 3. C. 4. §. 1. Iqq. adeoque in dubio potius non acquisita aut remissa censeris. *Ergo in enunciationibus dubiis pactorum, renunciationum, testamentorum, interpretatio potius in favorem promittentis aut concedentis, it. renunciantis, heredis ab intestato &c. quam alterius facienda erit.*

Hoc est quod vulgo dicunt: Neminem præsumi res & jura sua facile jactare velle; per l. 25. ff. d. probat. It. in concessivis & remissivis pro concedente & remittente potius interpretandum esse, Carpz. P. 2. C. 17. D. 9. n. 20. Brunnem. ad l. 5. C. d. Sulcept. It. renunciationes jurium esse strictissimæ interpretationis, per l. 31. C. d. transact. vid. Exercit. nostr. de Indole & requisit. validæ renunciat. §. 22.

In dubio itaque magis pro debitore & promissore, quam creditore ac stipulatore interpretandum est. l. 38. ff. 18. l. 99. ff. d. Verb. obl. It. cum quis prædium suum, cum uno quorum iugo alteri vendiderit, sed duo aut plura æquorum iuga isto in prædio aluerit, adeoque dubium sit, quodnam ex pluribus debeat emtori? id debetur, quod venditor intellexit, a. l. 24. ff. d. contr. emt.

§ XIII.

Dantur leges atque dispositiones speciales, exceptionem a regulis ac legibus generalioribus continentes, v. g. lex Saxon. qua successio geradica ordinarie sceminis, proxima cognitione defunctæ junctis, tribuitur, est generalis; exceptio vero & ideo lex specialis est, quod ista successio etiam filiis clericis in gerada matris concedatur. Jam vero exceptiones ita formandæ sunt, ut regulis quam minimum repugnent; Wolff Metaph. germ. §. 166. *Ergo quæque leges ac dispositiones speciales & exceptivæ in dubio ita interpretandæ sunt, ut magis conveniant & minus derogent regulis ac legibus generalioribus, l. 14. ff. d. LL.*

Ideoquæ & lex ista specialis quæ filiis clericis successio in gerada materna tribuitur, cum in eo dubia nonnullis fuerit visa, an etiam ad geradæ uxoris, sororum aut aviæ successionem pertineat, omnino de gerada tantummodo matris, & quæ ejus appellatione sensu legali continetur, aviæ maternæ, intelligenda venit. Ratio namque exceptionis est singularis favor erga Clericos, maxime cum a successione rerum hergewerticarum excludantur. Gloss. ad art. 57. Welsh. Berlich. Decis. 48. n. 5. Favorabilia autem per se non faciunt genuinum interpretandi fundamentum; §. 15. adeoque ista exceptio omnino stricte accipiendæ erit, ut minimum derogat regulæ universali, quæ successionem geradicam esse vult sceminatum. Eandem vero Clericorum successionem, ad aviæ maternæ geradam recte proferri existimamus, quoniam sensu legali secundum jus commune sub matris appellatione etiam avia & ulteriores ascendentes intelliguntur l. 51. ff. d. V. S. adeoque exceptio legibus generalioribus minus derogat.

Aliud exemplum restringendæ legis exceptivæ, est in questione illa controversa, an tertius possessor hypothecæ specialis, gaudeat beneficio excussionis adversus creditorem? Cum enim in Novell. 4. C. 2. possessoribus hypothecarum

rum in genere & quibusvis personis minus principaliter obligatis, illud beneficium tribuatur; ex verbis autem Novellæ 112 C. 1. ubi creditori hypothecario speciali, si debitor rem oppignoratam vendens, ex pretio ei non satisfecerit, vindicatio adversus emptorem conceditur, hujus beneficii, quoad hypothecas speciales, sublatio, atque correctio d. Nov. 4. nondum inferri possit; Hinc quoque eorum sententia, qui Nov. 112. a Nov. 4. neutiquam facere exceptio- nem contendunt, veritati hermeneutica magis omnino con- grueret videtur. cf. Titius Obs. Lauterb. 658. Menck. ad ff. d. pignor. §. 13. Cur vero in Saxonia hoc casu non admitti so- leat illud beneficium, ratio est: quia bonorum immobilium hypothecæ judicialiter constituuntur & in libris judicialibus annotantur, ex quibus pignoris obligationem resciscere solent emptores; ideoque scientes rem esse oppignoratam, isto privilegio excidunt. arg. l. 27. C. d. evict. Franzk. L. 1. Ref. 12. n. 29. Omnis igitur exceptio, sive legibus, sive di- spositionibus privatorum contineatur, stricte est interpre-tanda, ut scilicet legibus ac regulis generalioribus minus de- rogetur. Inde colligitur ratio interpretandi legatum, quo testator uxori aut alii cuicunque usumfructum prædii sui, sub certo tempore in quod tertius quispiam pervenerit, v. g. usque ad majorennitatem filii legaverit; ubi cum filius ante adeptam majorennitatem decesserit, quaritur: an ususfructus nihilominus perduret ad tempus usque major- ennitis, ad quam filius pervenisset, si vixisset? Quia ni- mirum ususfructus, & servitutes personales in genere, si certum tempus non fuerit determinatum, ad dies vite usufructuarii ordinarie perdurant; l. 3. §. 3. ff. quib. mod. usufruct. amitt. l. 16. §. 1. C. d. usufruct. hoc vero in casu temporis determinatio, si filius ante hoc decedat, quodam- modo incerta sit, simulque exceptionem faciat atque re- strictionem temporis longioris, quo ususfructus, secun- dum leges allegatas ordinario finitur; hinc illud tempus dum usufructuarius adhuc vivit, in dubio potius relaxan- dum, quam coarctandum, atque ususfructus legatus, hoc casu

casu potius ad terminum majorennitatis filii completum, licet ante hunc decesserit filius, perdurare censendus est; quam interpretationem quoque tenuit Imp. in l. 12. C. d. usufruct.

§. XIV.

Cumque & Statuta localia sint leges speciales; Menck. ad ff. d. Const. princ. §. 15. hinc quatenus contra regulas ac dispositiones legum provincialium aut juris communis aliquid constituunt, *strictè semper interpretanda veniunt*. §. 13.

Scilicet ubi statuta cum legibus provincialibus aut jure communi pugnare videantur, ea interpretatio amplectenda, quæ harum legum constitutionibus magis convenit. §. præced. Ita cum juxta statuta Lipsiæ §. 1. maritus ad uxoris sine filia defunctæ Geradam, contra juris Saxonici communis rationem admittatur; eo casu si uxor alia simul haud reliquerit bona, filiorum aut parentum legitima ex rebus geradicis merito constituenda erit, ut minus derogetur juris communis & Saxonici dispositioni, qua liberis, aut parentibus ex istis bonis salva esse debet legitima. Carpz. P. 3. C. 23. D. 18. Ita licet d. §. 1. & 2. Statuti, de uxore tantum sine filia defuncta, loquatur, non tamen admittendus erit viduus, si vel neptis ex filia adsit; quoniam sub filia appellatione, etiam neptis, secundum jus commune intelligitur. l. 201. ff. d. V. S.

§. XV.

Non datur in jure odiosum, quod respectu alterius non simul sit favorabile, & viceversa. Ita omnia prohibitiva & pœnalia, tanquam odiosa, insimul favorabilia sunt intuitu aliorum, quorum interest ut facta injusta & nociva intermitantur; ita & pleraque favorabilia simul odiosa sunt, quatenus de bonis aut juribus aliorum aliquid detrahunt, v. g. causa dotium favorabilia sunt respectu filiarum, sed odiosa respectu parentum aut fratrum &c. Adeoque restrictioni odiosorum *semper*

semper contradicet favor alterius, & extensioni favorabilium odium sive præjudicium illius. Cum vero omnis regula, contradictionem involvens, minime vera & adæquata esse possit; per Logic. *Hinc patet, regulam illam vulgarem de odiosis restringendis & favorabilibus extendendis, nullius momenti & usus esse censendam.* vid. omnino Titius ad Puffendorff. Obs. 418. sq.

Certe multitudo limitationum & exceptionum, quarum novem numero affert Stryek. ad Brunnem. J. E. Cap. 15. d. R. J. in 6to. putativè iustius regulæ valorem & universalitatem, penitus fere evertunt, ejusque inconcinnitatem atque futilitatem evidenter satis produnt. Multa certe odiosa extendenda, & multa rursus favorabilia restringenda veniunt, prouti finis & ratio adæquata dispositionis exigat. Veriora itaque & magis utilia principia hic quoque ex iis petenda veniunt, quæ de interpretatione extensiva & restrictiva supra §. 7. demonstravimus. Varias præterea ejusdem farinae regulas, quæ passim afferri solent, digno calculo notavit laudatus Titius, c. I. Obs. 441. sqq.

§. XVI.

Voluntas posterior, adeoque & lex nova correctoria, eatenus tollit priorem, quatenus ei vere contradicit, in reliquis voluntas & lex prior adhuc valere præsumitur; quod enim non mutatum cur stare prohibeatur? l. famos. 27. C. d. Testam. *Itaque lex nova correctoria stricte est interpretanda, ita scilicet ut in dubio minus derogare præsumatur legi priori.* a. l. 32. §. f. C. d. Appellat.

Ita Paulus in l. 26. & 28. ff. d. leg. Non est novum, inquit, ut leges priores ad posteriores trahantur. Sed & posteriores leges ad priores pertinent, nisi contrariæ sint. Exemplum est dispositio §. 17. T. 39. O. P. S. R. de amittenda roma. parte liciti in casum non soluti pretii rei sub hasta emta, ad Subhastationes voluntarias haud extendenda, de quo vid. Demonstrationes nostras jurid. de Subhastationibus, §. 20. Eodem ex fundamento & dispositionem O. P. S. R. §. 16. d. T. de decima liciti parte, ante adjudicationis terminum persolvenda, per Mandatum Regium novius, d. d. 26. Aug. 1732. minime mutam esse colligimus. His enim

dict. Mand. verbis: Dasi in Zukunft kein Licitum annehmen, wenn nicht derjenige, so solches thut, bey Ritter-Güthern die Hälfte, bey andern Grund-Stücken den dritten und bey Bauer-Güthern den vierdten Theil so fort bey der Adjudication, oder nach der nächsten Leipziger Oster- oder Michaelis-Messe, längstens binnen 4. Wochen baar zu erlegen sich erbiehet u. allegata Ordinationis Proc. rec. dispositio non removetur, adeoque præter istas dimidias, tertias; quartasve partes, in aut post Adjudicationem præstandas, illa quoque decima pars liciti ante adjudicationem solvenda, recte omnino a Judice exigitur. An vero menstruum istud spatium, intra quod illæ partes licitorum post nundinas vernaes vel autumnales exsolvendæ jubentur, ab ultimo primæ hebdomadæ die, quo dato campanæ signo, ordinariæ fiunt nundinæ; an potius à sequioris septimanæ solutionibus destinatæ decursu, computandum veniat? ex iis quæ supra §. 9. in Schol. notavimus, facile judicatur.

Ita ex mandato Sax. von Obligationen derer Weibes-Personen; d. a. 1722. quò fœminis solutis, libera de bonis mobilibus sine Curatore disponendi ac paciscendi facultas relinquitur, oriebatur dubium, an ista dispositio quoque ad fidejussiones virginum aut viduarum pertineat, eaque Sæci Vellejani privilegium, quoad has fuerit sublatum? Verum ex ratione hujus §. hocce privilegium & Jure Civili & Constitutionibus Saxonis expressè stabilitum, nova hac lege haud esse sublatum recte pronuntiavit F. J. Lipf. M. Mart. 1724. cujus Sententiæ tenorem adjecit B. D. Meislius, laudat. Facult. Assessor, in Dissert. de renovato viduarum Saxonicarum privilegio, Lipf. 1724. hab. §. f. Not. aa.

§. XVII.

Ex dictis jam facile conoipiuntur regulæ, quarum adjuvamento leges sic dictæ obstantes & contradictoriæ invicem conciliari possunt. Videndum scil. quænam legis dispositio sit generalis & regulæ instar, quæ vero specialis & exceptiva? Porro quæ prior, quæ posterior tempore? tum applicatis iis, quæ §. 17. & §. 16. demonstrata sunt, optima ratione succedet conciliatio.

EXERCI-

EXERCITATIO ACADEMICA
DE
INDOLE ET REQUISITIS
VALIDÆ
RENUNTATIONIS,
OB SINGULAREM AMPLISSIMÆ HUIUS
MATERIÆ IN FORO UTILITATEM ET NOTAM
TAM COMMENTATORUM IN EJUS PER-
TRACTATIONE, CONFUSIONEM,
PAULO ACCURATIUS INSTITUTA
CAROLO AUGUSTO RITTERO,
A. S. L.

SYNOPSIS TRACTANDORUM.

Renuntiationis significatus nominalis traditur §. 1. Definitio ejusdem realis, cum demonstratione §. 2. Divisio Ima. in Principalem & Accessoriam cum regulis atque exemplis. §. 3. Divis. Ilda. in Expressam & Tacitam §. 4. Divis. III. in Simplicem atque Furatam, ubi de Furamenti accessorii natura & effectu uberior tractatio habetur, ejusque applicatio & praxis indubia demonstratione ostenditur §. 5. Divis. IV. in Generalem, Subalternam & Specialem §. VI. Requisita renuntiationum generalia traduntur §. 7. De Imo ejus requisito & in quantum metus, error aut ignorantia sint attendenda §. 8. De Ilda. renunciat. requisito ubi de milite & filiofamilias renunciante §. 9. Maxime coherdversa materia, quatenus fori competentis renunciatio sortiatur effectum, paulo distinctius evolvitur §. 10. De renuntiatione aut repudiatione hereditatis a debitore obarato facta §. 11. De Illtio renunciat. requisito, it. de renuntiatione dotis petenda à suprata facta, contra Dn. Bergerum, §. 12. De Pactis hereditatis renunciatoriis §. 13. De beneficii Competentia & Cessationis bonorum renuntiatione §. 14. An femina beneficio Curatoris, Uxor portioni statutaria, sine Curatoris auctoritate, it. donans insinuationi donationis 500. solidos excedentis, valide renunciet? §. 15. An l. f. C. de revoc. donat. valide renunciare possit donator? §. 16. Renunciatio strictissime interpretanda est, unde visum fuit nonnullis DD. ei qui hereditati renunciavit, superesse, nihilominus adhuc legitimam petitionem; §. 17. Resellitur ista sententia, & hereditatis abdicationi, etiam legitimam renuntiationem necessario inesse probatur; §. 18. Dotis vero petitio filia, hoc casu omnino salva relinquitur §. 19. Specialis renunciatio & dotis, & legitima omnino valet §. 20. Renunciatio hereditatis paterna, neutiquam excludit a petitione fraterna hereditatis, etiamsi hæc maximam partem ex bonis paternis constet. §. 21. Regula de restrictiva renuntiationum interpretatione proponitur atque exemplis illustratur §. 22.



Quo certiore præsentis materiæ in præxi novimus utilitatem, quove plures eorum, qui passim ad causas renunciationum commentati sunt, deprehendimus tri-
cas, confusiones atque dissensus; eo minus hujus nos poenite-
bit laboris, dissertationi quidem academicæ antehac dicatæ,
quo selectiores controversias, ex veris & adæquatis principiis
judicare, principia vero, tanquam primaria cujuslibet renun-
ciationis requisita, notabilioribus illustrare casibus, satagemus.

§. I.

Vocis originem quod attinet, eandem metaphoricam at-
que compositam esse, grammatici perhibent. Nec otioso labo-
re ejus nativitatem ex antiquitatibus latinis erimus producturi,
sufficiet dixisse, renunciare idem esse ac remittere, resignare vel
repudiare jus suum. Germanis dicitur, *eine Verzicht, Bege-
bung, Auflassung oder Entsagung seines Rechtes*. Atque ista
vocis acceptio, hujus tantummodo loci erit licet præter eam,
vario adhuc significatu in jure nostro veniat renunciatio. Sic
denotare quandoque solet, relationem mentoris, architecti,
medici, aut obstetricis; interdum delationem & prodicionem
consiliorum, porro & novi operis nuntiationem, item designa-
tionem seu proclamationem publicam, qua personis, altioris
dignitatis gradu, utpote magisteriali aut Doctorali mactan-
dis, isti honores solenni ritu decernuntur; vid. l. 1. pr. & l. 5.
§. 1. 2. ff. si mens. fals. mod. l. 38. de poen. l. 16. §. 1. d. re milit.
l. 16. d. nov. op. munt. Dalner de renunciat. Cap. 2. n. 2. sqq.

§. II.

Adductis jam quæ ad nominis declarationem pertine-
bant momentis, rei quoque explicationem apponere, ejus-
que ideas essentielles breviter evolvere, ordo postulat. De-
finimus autem renunciationem, quod sit *Declaratio voluntatis*

legitima de non utendo jure nostro. Multa scil. hominibus, tam a lege concessa, quam pactis quæ sita sunt jura seu facultates morales, in sui utilitatem aliquid habendi, agendique, quæ si minus quandoque utiles videantur, adeo ut ejus non usu sibi alterive majus commodum adsciscere queant, eas tanquam abundantes dimittere, aliisque relinquere, nulla lege prohibentur.

Cum autem renunciatio sit negotium consensuale adeoque ejus valor ex communibus conventionum regulis simul sit judicandus, ea quæ ad harum validitatem, tam ratione personarum, quam rerum ac jurium, in genere pertinent requisita, hic quoque repetenda ac observanda veniunt, præsertim ubi leges civiles, ad evertendas eorum technas, qui bona & facultates renunciantis, quem indigentia virium, facile ad quævis pacta ineunda compellit, citra spontaneum ac satis deliberatum ejus consensum, sub specie recti ad se rapere tendunt, quasdam jurium renunciaciones, reprobarunt partim, partim certas ad earum confirmationem definire solennitates, quibus non adhibitis, istæ in vita civili, validæ persistere nequeunt. De hisce igitur legitimis validæ renunciacionis requisitis, in sequentibus, paulo fufius erimus acturi.

S. III.

Antequam vero ipsius definitionis axiomata, indeque venientes casuum decisiones exponamus, variz renunciacionum divisiones nobis prælibandæ veniunt. Quamvis autem DD. hanc in rem commentati, ingentem divisionum farraginem apponere soleant, vid. B. D. Quirini Schacheri Dissert. de renunciati. acti. indubiar. ubi viginti & septem numero species tantum proferuntur; earum tamen pleræque vix quidquam ad rem faciunt. Quid enim juvat nosse distinctionem renunciacionis in eam, quæ nudo pacto & legitimo aut convento, inquit, it, in perfectam & imperfectam, sufficientem

&

& insufficientem, concessam & prohibitam, validam & invalidam? termini sunt otiosi, sufficit nosse, renuntiationem imperfectam, insufficientem & invalidam, futilem, inutilem & nullam esse. Nos utiles tantum ac potissimas renuntiationum divisiones enumerabimus, quarum una eadem in nudam s. principalem, & Accessoriam disjungit. Hæ contractibus, adjici solet, illa, separatim & circa præcedentem contractum peragitur; veluti si quis debitum aut obligationem alteri, per pactum de non petendo, remittit, hereditatem repudiat, it. ab actione in judicium deducta, aut interposita Appellatione iterum desistit, vid. Ord. Proc. Sax. Rec. Tit. 5. §. 9. & T. 35. §. 7. ubi actionis aut appellationis renuntiationeatenus permittitur, ut quandoque renunciante, temerarie aut protracta litis intuitu, expensarum refusio, quin & pro renata 5. 10. plurimumve thalerorum multa imponatur. Accessoria renuntiatione, etiam causalis vocatur, ob præcedentem causam, conventionem scil. aut aliud negotium principale cui accedit, ut renuntiatione SCti Vellejani, beneficii excussionis, læsionis ultra dimidium &c. vid. Giphani. de Renuntiat. Cap. I. in fin. Cum igitur talis renuntiatione a negotii principalis virtute pendeat, nec alia ratione, quam reliqua pacta contractibus adjecta valere possit, sequitur, eandem corruente principali contractu simul ruere, *neque etiam subsistere posse, cum contradictionem involvat, atque præcedentis negotii requisitis essentialibus repugnet*, eo enim casu vel pro non apposta haberetur, vel urgentibus circumstantiis, aliam contrahentium intuitu principalis conventionis, mentem fuisse præsumitur, vid. Beyer ad ff. de contr. emt. pos. 58 & 59. Titius Obs. Lauterb. 1100. Quotiescunque igitur Contractus principalis, lege quadam civili aut statutoria, peculiari ex ratione invalidus aut prohibitus judicatur; toties & renuntiatione ad evertendam legis prohibitionem contractui adjecta, nullius valo-

valoris nequitiam esse potest, e. c. renunciatio privilegii ex Mand. Reg. d. a. 1724. *Wegen Aufborgen junger Leute*, competentis, a persona 25. annis minore, contractui cambiali adversus Potentissimi mandatum inito, adjecta; plura exempla vid. infra §. 15. & §. 5. ubi & ratio differentiarum excutitur, quare nonnulli contractus, qui mero jure Romanorum ex putativa saltem æquitatis ratione pro invalidis habebantur, accedente jurata renunciatione, convalescant. His porro casibus ubi renunciatio accessoria, principali contrahentium intentioni aperte repugnat, inutilem diximus eandem. Exemplum est in fidejussore in demeritis, qui beneficio excussionis inutiliter renunciat, cum ad eum solummodo casum illius obligatio sit restricta, si debitor principalis non sit solvendo, atque ita hæc renunciatio, contradictionem involvens, obligationis præcedentis naturæ plane adversetur, Finckelth. Obs. 107. Carpz. Dec. 14. B. Menck. ad ff. de Fidejuss. §. 14. Nisi renunciationi accesserit juramentum, quod ob C. 28. d. jurej. & hoc casu servandum, Perez ad Cod. de fidej. n. 26. Stryk. de Caut. Contr. P. 2. C. 6. §. 24. in fin. & in Dissert. de Cautela abundante in Contractu Cap. 2. n. 95. sqq. ubi dissentientium opinionem satis convellit. Quamvis enim talis fidejussor in eum tantummodo casum, si creditor a principali debitore aut reliquis fidejussoribus debitum consequi non possit, semet obligaverit, postea tamen excussionis beneficio expresse ac jurato renuncians, juramento potius, quam antecedenti simplici assertioni stare velle præsumitur; alioquin lussisse tantum cum juramento, quasi cum catulo videretur, juxta lussum Zafii ad l. 3. §. 4. ff. d. jurej. n. 6. cf. Hering. de fidejuss. C. 19. n. 161. sqq. Nisi excipias casum, quando non sola renunciatio excussionis, sed tota fidejussio jurjurando est confirmata, tum enim jusjurandum ad principalem potius contractum, quam renunciationem accedentem est

est proferendum; item cum indemnitate fidejussor simul cum aliis fidejussoribus, simpliciter ita dictis, excussionis beneficio renunciaverit, stricta hujus conventionis interpretatio, ad eos solos juramentum referendum esse svader, Ant Faber in Cod. lib. 8. Tit. 27. Def. 46.

Pari ratione, exceptionis non numeratz pecuniz renunciatio, in Chirographo facta, inanis erit dicenda. Vel enim debitor, quantitatem chirographo contentam, a creditore accepit, vel non; si prius, nullatenus dicta exceptione uti potest, etiamsi non renunciavit; si posterius nullo non tempore eadem securus erit; renunciatio enim spe saltem futura numerationis facta fuit, qua non secuta, nec ipsum chirographum, multo minus huic adjecta renunciatio quicquam operatur, Carpz. P. 1. c. 32. D. 65. Beyer ad Inst. de liter. oblig. pos. 10. sqq. Stryck. de C. C. Sect. 2. C. 7. §. 8. Horn. Class. 12. Resp. 20. Attento tamen hoc discrimine, ut exceptio n. n. p. in continenti liquida, in ipso statim processu executivo, adversus chirographum valide opponi queat, illiquida autem in reconventionis judicio demum sit deducenda; Ord. Proc. Sax. Rec. in Append §. 8. quo simul notabilis quondam differentia exceptionis n. n. p. privilegiatz, a minus privilegiata, corrui, quam quidem, ut inconcinnam & germanorum moribus non satis convenientem, jam ante notavit Peretz ad Cod. Tit. de non. num. pec. Schilter Exerc. 22. §. 22. sqq. Beyer ad ff. de reb. cred. p. m. 245. Ex dictis ulterius patet, ejusdem exceptionis renunciationem, etiamsi ex intervallo & separata schedula fuerit iterata, vel juramento confirmata, neutiquam impedire, quo minus debitor, momentanea illius probatione destitutus, ideoque in conventionis judicio damnatus, quantitatem indebite solutam, mediante reconventionem repetere queat, arg. C. 6. X. d. jurej. Brunnem. ad l. 4. C. d. non num. pec. Stryck. d. C. C. Sect. 2. C. 7. §. 10. Berger in Occ. Jur. p. m. 635.

D

Eodem

Eodem ex fundamento, renunciatio recognitionis, quana obligationum instrumentis, quandoque appositam legis, effectui destituitur, utpote quæ totius instrumenti tanquam principalis negotii subsistentiæ repugnaret, omnemque illi probationem & validitatem adimeret. Quem enim latet, instrumenta privata non nisi recognita probare? cum judici alioquin constare haud possit, an is cujus scriptura producitur, eandem conscripserit, aut subscribendo probaverit, adeoque hæc ipsa renunciatio, recognitione indigeat; accedit denique creditorem fraudulosum, eodem pariter dolo, quo falsam scripturam pinxit, dictam quoque exceptionem adjicere potuisse, quid igitur aliquo valore digna erit censenda? Ord. Proc. Sax. Rec. T. 25. §. 3. j. Schwendend. ad Fibig. p. 714. - 717. D. Barth. in Hodog. for. Cap. 3. §. 2. Not. q) Plures casus ex renunciationis accessu principiis decidendos, vid. infra §. 15. sq. & §. 5.

§. IV.

Dividitur II. Renunciatio, pro diversa consensus declaratione, in *Expressam*, & *Tacitam* seu præsumtam quæ tacito inititur consensu, utpote qui ex facto scientis vel facti omissione, probabili ratione colligitur. Quoniam vero taciti istius consensus existentia sæpe dubia, nec satis evidens sit facti aut omissionis ad veram renunciationem illatio, hinc leges civil. certum temporis spatium posuere, intra quod faciens aut omittens, si mentem contrariam interea haud declaraverit, pro renunciante omnino habendus sit. En igitur veram præscriptionis originem & necessitatem eandem introducendi, quo scil. difficillimæ contrariæ & dubiæ consensus taciti interpretationes expediantur. Inde simul patet, præscriptione opus non esse, ubi factum aut omissio ita est comparata, ut per se & presumptione legali consensum inducat, v.g. in tacente qui & potuit & debuit loqui. Adeoque jus aut privilegium aliquod remissum atque extinctum censetur, quando Domi-

nus intra tempus a lege praeſtitutum eodem non ulla (quo ſpecialia Legum de praſcriptionibus, ſtatuta pertinent) aut actum juri ſuo penitus contrarium admittit. vid. Wernher Vol. 1. P. 1. Obf. 108. p. m. 150. Et paucis: *quotiescunque quis aliquid omittit, ad quod faciendum, juri ſui conſervandi cauſa, neceſſario obligatus erat; aut aliquid facit, ad quod omittendum, eandem ob cauſam tenebatur, tot. tacita juri ſui abdicatio praſumitur.* Ita in Mand. Reg. El. d. a. 1720. Die Erläut. einiger Punkte der Leipziger Handels-Gerichts-Ordn. betr. No. 3. diſponitur: Daß derjenige, ſo ſeine eingewandte Appellation deſert werden läßt, zu Bezahlung derer, nach Anſeß. der Handels-Gerichts-Ordn. in caſum ſuccumbentia geſetzten Straf-Gelder, ebenmäßig und um ſo viel mehr angehalten werden ſolle, weilen die Straffe auf diejenigen ſo der eingewandten Appellat. hinfieder renunciren, in angeregter Handels-Gerichts-Ordn. expreſſe mit gerichtet iſt, die *Deſertio Appellationis* aber NB. *pro vacua renuntiatione* gehalten wird. Ita ille, qui intra dies ſtatutas bonorum poſſeſſionem non petiit, quaſi renuncians ab eadem excluditur, l. 1. §. 10. ff. d. Succell. edict. Aliud exemplum ſiſtit Cap. 6. X. de privil. ubi ille qui de praedio a decimis libero, nihilominus per triginta annos decimas ſolvit juri ſuo renunciaſſe, atque impoſterum ad earum perſolutionem obſtriſtus eſſe dicitur. Similes caſus de ſervitutibus, per tacitam domini remiſſionem, amittendis, vide ſis in l. 8. ff. d. Serv. amitt. Sponſus, ſub honeſta conditione ſponſalia contrahens, poſt vero ante conditionis eventum deſponſatam cognoscens, conditioni praſumitur renunciaſſe, per Cap. 6. X. d. Condit. appoſ. Venditorem quoque, poſt tempus pacto commiſſorio praſtitutum, pretium ab emptore petentem juri huic ſibi alioquin competentem, nuncium miſſiſſe pronunciat l. 7. ff. d. leg. commiſſ. Creditor, qui debitori ſuo chi-

chirographum reddit, debitum quoque ei remississe videtur, p. l. 2. §. 1. ff. de pact. ni unum forsitan chirographi exemplar retinuerit, Berger in Resol. Lauterb. d. T. qv. 1. Beyer ad ff. eod. T. Not. e). id quod indoli reiunctionis, strictam semper interpretationem recipientis omniño convenit, ut ex infra dictis patebit. Ita porro Creditorem, qui pignoris non redempti, dominium adquisierat, postea vero usuras a debitore iterum accepit, a jure ante quæsito recessisse, ait Gordianus Imp. in l. 2. C. d. jur. dom. acquir. Eadem ratione & ille, cui ex sola mora usuræ debentur, quando sortem simpliciter ac sine protestatione acceperit, usuras debitas remisisse censetur, a l. 49. §. 1. & l. 10. in fin. ff. de act. emt. Beat. Menk. ad ff. Tit. de Usur. §. 17. Neque ei, qui pœnam stipulatam accipit, præstationem sub hac pœna promissam, ob tacitam quæ intercedit renunciatiōem, amplius petere concedit l. 28. ff. d. act. emt. Nec denique creditori, plures per annos, (triennium statuunt plerique) minores usuras recipienti, majores ab initio promissas, ob præsumtam harum remissionem, a debitore rursus contendere permittit l. 13. pr. ff. l. 5. C. d. Usur. ibique Brunnemann B. Menck. ad ff. d. probat §. 2. in fin.

§. V.

III. Discrimen statuitur inter renunciatiōem *Simplicem* atque *Juratam*, & quanquam juramento, ut accessorio, major virtus, quam negotio principali haud deberet attribui, observantia tamen pariter ac leges scriptæ, juratam quandoque jurium remissionem admittunt, ubi simplex locum alias non invenit. Cum enim Romanorum legibus vix ullus iurijurando confirmatorio relinquatur usus; per l. 5. in f. C. de Leg. varias nihilofecius eorundem sanctiones, ac præsertim incongruas circa liberum paciscendi arbitrium factas restrictiones, ab æquitatis naturalis simplicitate, haud parum aberrantes deprehendamus: non siue ratione, cum de jurisjurandi validitate quæstio

quæstio occurrit, Juris Canonici potius, quam Romani auctoritatem, ex receptis Germaniæ moribus, in terris quoque protestantium sequimur. vid. Carpz. P. 2. C. 11. D. 50. n. 4. & P. 2. C. 16. D. 2. in fin. Stryck in Us. mod. ff. T. de Pact. §. 16. Struv. Exerc. 17. Th. 23. Strauch. de Origine Jur. Can. Thes. 39. sqq. Dn. de Berger in Oec. Jur. L. 1. T. 1. §. 29. Not. 2. Evidentis autem textibus, sequentia, ad jurisjurandi promissorii validitatem, requisita, quæ & simplici promissioni naturaliter communia sunt, ibidem legimus constituta; 1) Ut consensu jurantis libero s. spontaneo ac satis deliberato præstetur, vel uti Caus. 22. qu. 2. C. 2 & Cap. 16. X. d. jurej. loquuntur, primum comitem habeat *Judicium* se intellectum, atque cognitionem tum juramenti virtutis, tum rei de qua juratur. Interim si propria culpa & negligentia insigni circa objectum erraverit jurans, atque error vel ignorantia saltem sit accidentalis s. concomitans, tum in foro quoque civili & externo, ad prævidendas fraudes ac controversias, valide obligatus censetur, ut infra §. 8. probatum dedimus. Sequitur inde, nec infans, furiosus, aut extremè ebrius, nec dolo deceptus, metu atroci & injusto concussus, ex juramento præstito teneri; Cap. 2. 8. 15. & 28. X. d. T. Avth. Sacram. puberum C. si advers. vend. quin & tum quoque jurantis obligationem definire, cum conditio ad quam consensus ac jusjurandum expresse aut probabiliter fuit directum, posthac defecerit, pariter & quando insignis objecti rei de qua conventum, circa jurantis culpam contigerit mutatio, vid. Cap. 3. 25. & 29. X. d. T. conf. infra §. 21. II) Requiritur, ut actus cui jusjurandum accedit, æquitatis ac legis divinæ, tum naturalis, tum revelatæ dictamini sit conformis; quod innuit all. Caus. 22. qu. 2. C. 6. ubi alterum jurisjurandi Comitem *Justitiam* constituit, adeo ut deficiente naturali paciscentis ad servandum promissum obligatione, nec juramentum adjectum quicquam operetur. Itaque

& juramentum contra bonos mores seu honestatem ac decus publicum conceptum, quoque servato, aut delinquendi occasio, aut pejus minimum aliis præberetur exemplum, pro temerario magis quam iusto erit habendum, C. 58. d. Reg. Jur. in 6to ibique Brunnem. Tolerabilius enim esse dicitur, juramentum non implere, quam quod turpe est facere. Caus. 22. qu. 4. C. 8. cf. Cap. 24. & 25. in f. X. d. jurej. & infra §. 13. Denique ob eandem rationem vel maxime reprobandum est jusjurandum, tendens in præjudicium tertii ac læsionem juris alteri competentis, C. 28. X. d. jurej. & C. 2. d. Pact. in 6. jung. C. 16. C. 12. vers. ille vero &c. & C. 23. X. d. T. aut contemtum ac illusionem legis, qua princeps aut superior in Republica, speciale negotium æquas & prægnantes ob causas absolute prohibitum statuit, a. Cap. 1. & 19. X. d. T. Quod denique citra necessitatem, in allegatis textibus passim inculcatur jurisjurandi requisitum, ne scil. observatum vergat in dispendium salutis æternæ; ut omnibus christianorum actionibus commune, adeoque impertinens ac minus adæquatum, studio prætermittimus; quandoquidem & perversa eorum opinio, qui omne juramentum, quod citra salutis æternæ dispendium servari potest, servandum esse arbitrantur, parum congrua videtur, eoque magis reprehendenda, quo tutius inde, hominum nequissimorum malitiæ ac improbitati, qua dolo, vi, aliisque modis illicitis, ad juramenti præstationem haud raro inducunt, alios, sub pietatis fūco asseritur patrocinium. vid. Titius ad Puffend. Obs. 268.

Hicce igitur præmissis, quilibet facile intelligit, qua ratione jusjurandum, eoque confirmata renunciatio, ex juris Canonici præceptis consistere queat. Cæterum vero cum insignis præterea intercedat differentia inter valorem obligationis & jurisjurandi naturalem s. internum, eandemque civilem s. externum, uti §pho insequenti monstrabimus, ulterius dispi-

dispiendum, qua juramenti vinculum in foro naturali, quæve ratione in foro civili, præsertim Saxonico stringat. Videlicet expediri juris resest, jusjurandum semper niti obligatione quadam præcedente, & tanquam accessorium stare &, cadere cum suo principali, adeoque novam ac peculiarem plane haudquaquam producere obligationem, sed eam quæ ex lege aut pacto jam existit, stabilire tantum ac perficere, vid. Puffend. de Jur. Nat. & Gent. L. 4. C. 2. & de off. hom. ac Civ. L. 1. C. 11. §. 6. ibique Titius. Existente igitur naturali ad servandum promissum obligatione, fidem cum provocatione vindictæ divinæ insuper datam, neutiquam fallere poterit juratus, sed ejus adimplendæ, eo magis semper fortiusque in conscientia obstringitur. Ita quoque Imp. Theodos. & Valentin. in l. f. C. ad L. Jul. repet. Neminem ajunt, divini timoris, contemnendo jusjurandum, arbitramur immemorem, ut salutem propriam ulum commodum anteponat. Leges autem in foro civili diversimode receptas ac promulgatas, quod attinet, varios earundem inter se, animadvertimus conflictus, præsertim ubi jus ecclesiasticum papale, legibus Romanorum civilibus, hæc in re subinde contrariatur, vid. Cap. 28. X. C. 2. de jurej. & C. 2. d. Pact. in 6. qui legum dissensus, varias quoque JCtorum peperit contentiones.

Verum enim vero juxta legum subordinationem ubique servata, lites ac controversiæ, facili negotio expediri queunt; atqui supra jam dictum, *leges Romanorum civiles, ex receptis Germaniæ moribus in juramentorum causis subinde postponendas esse, juris Canonici placitis*, qua in re & Doctores unanimi fere sententia conveniunt; cf. Titius in Specim. Jur. Eccles. L. 1. C. 2. §. 61. Dn. de Berger in Oce. Jur. L. 1. T. 1. §. 29. Not. 2. Patet ergo fallere fallique eos, qui omnem jurisjurandi promissorii vim atque pondus, ex legum Romanorum regulis uni- ce metiuntur, hinc ubi lex Romana actum improbat, ipsum quo-

quoque juramentum ei adjectum, ut inutile ac illicitum rejiciunt ob l. 5. in f. C. d. leg. imo & legum Canoniarum idcirco tradita, ut superstitiosa & iniqua damnare haud verentur.

At enim vero, æquiores longe, harum legum præ illis esse dispositionem, ubi de pactorum & juramentorum causis agitur, vel inde patet, quod officia & obligationes paciscentium, vel renunciantium naturales, quas Romanorum jura, ex inconcinna subtilitate, ac citra sufficientem prudentiæ rationem, sæpius reprobant, naturali ac justo valori suo restituant. Nequæ hæc sanctorum patrum mens unquam fuit, liberrimam cuilibet indulgere licentiam, adhibito saltem sacramenti vinculo, universa legum Civilium præcepta, ut quidam opinantur, prohibita eludendi; quandoquidem requisitis juramentorum, quæ spha præcedenti recensuimus, conjunctim sumtis, facile, perspicies, non quodvis indistincte, adversus justa quoque & rationabilia legum Civilium placita, admitti juramentum, sed id tantum, quod obligationem præsupponit naturalem, quove paciscentium negotia, nec naturali nec divino jure prohibita, utut Romanorum statutis, a simplici & recto æquitatis tramite quandoque aberrantibus, reprobata, stabiliuntur. Eapropter & actus, qui Romano jure, non absolute, & ex vera æquitatis ratione prohibitus, sed in favorem paciscentis tantum, propter poenitendi facultatem ipsi concessam, pro nullo declaratus est, interveniente jurisjurandi vinculo, omnino convalescit, vid. Boehmeri Jus Eccles. protest. L. 2. T. 24. §. 19. & 31. Titii Jus privat. L. 2. T. 14. §. 17. adeo ut ex tali pacto jurato, & perfectam in foro externo obligationem producente, non solum ipse paciscens, sed & hæc des jus, in obligationem defuncti simul succedentes, valide omnino in foro civili obligentur, prouti laudatus Boëmerus c. l. §. 38. solidissime adversus dissentientes deduxit, cf. Franzk. L. 2. Resol. 6. n. 28. sqq.

Ex dictis denique ulterius patet, errare & illos, qui juris pontificii auctoritatem, ejusde circa juramentorum validitatem, praescriptos canones eo usque extendunt, ut vel juri patrio ac provinciali eosdem praefrendos esse, sibi aliisque persuadeant. Jus enim Romanum pariter atque Pontificium, sunt leges receptae; atqui leges receptas, in subsidium & eatenus tantum valere, quatenus legibus Germanorum domesticis & juri cujuslibet provinciae proprio non refragantur, nemo est qui inficietur: ideoque nec jus pontificium, dispositione sua, juribus patriis ullo modo derogare poterit. vid. Titii Jus Eccl. L. 1. C. 2. §. 61. & 62. cf. Stryck: ad Brunnem. Jus Eccl. L. 1. C. 3. ad §. 4. Cum igitur nulla verisimilitudine asseri queat, status protestantes, illud jus in praerudicium legum propriarum retinuisse, hanc denique regulam tene: Quotiescumque jusjurandum contra leges provinciae alicujus, v. g. Saxoniae statutarias, adeoque principis voluntatem, pactionem quandam praegnantem ob causas, vel absolute, vel certo modo prohibentis, conceptum, toties nullas eidem in foro protestantium tribuendus est valor; vid. Beyer ad ff. de Jurej. poss. 11. §. 1. & inde porro: quo casu ex legibus patriis, simplex alicujus juris renunciatio non obtinet, eo non jurata quicquam operatur. Equidem haud negaverim, naturalem quandocumque jurantis ad pactionem servandum, adesse obligationem, etiamsi princeps ipso jure nullum dixerit ejusmodi negotium, etque omnem denegaverit validitatem: ita v. g. Anathemismum & reliquos contractus, quos leges nostrae pro usurariis habent, naturali jure indiscretim haud reprobatos statuimus; usurarum enim quantitate ibidem non determinata, absque laesione amoris socialis, pro circumstantiarum ac paciscentiarum qualitate, mox plures mox pauciores usurae stipulari ac peti queunt. vid. Puffend. de Jur. N. & G. L. 5. C. 7. §. 9. Titius ad Lauterb. Obs. 694. Ita etiam foeminae ex contractibus suis, perinde ac masculi, naturaliter obligantur, Titius c. 1. Obs. 444. Magnif. Dn. D. Müller Natur- und Völk. Recht

C. 10. §. 12. cum naturalia jura, sexus Curatorem, quibusdam in locis necessariam, ignorent. Interim vero maximum imo & necessarium, inter obligationem internam s. naturalem, atque externam s. civilem intercedere discrimen, nemo non perspicit, quod si DD. ac legum interpretes, ob oculos subinde habuissent, tanta eorum hac de re non fuisset altercatio. Videlicet naturalis obligatio, in foro naturali & conscientia, promittentem, eoque magis jurantem semper obstringit, at in foro externo s. civili perpetuo non obligat, ac praegnantem ob causas eadem ratione obligare vix potest. In foro namque externo, obligatio paciscentium naturalis, saepe admodum controversa & lubrica estimationis res est, maxime cum impossibile sit, principem & Latorem humanum, sufficientem undique & omnimodam, tam personam quam negotii qualitatis ac circumstantiarum infinite variantium, habere cognitionem; ideoque necessitas ac prudentiae ratio exigit, obligationem istam & certius determinare, & urgentibus circumstantiis, vel penitus reprobare, vel impletionem ejus, conscientiae ac naturali paciscentis convictioni relinquere, eo magis quo pluries experientia docuit, hoc vel illud negotium, cum hac vel illa persona initum, licet non perpetuo, ut plurimum tamen iniquitati ac fraudibus malefactorum obnoxium, hinc Reipubl. magis saepiusque damnosum, quam quidem utile esse vid. Dr. Freisleben in Introd. Jur. Civil. L. 1. C. 2. §. 5. Certe concinna est B. Beyeri hac de re sententia, qui L. 12. T. 4. ad ff. pos. 12. pro indole, ait, status corrupti, minor iniquitas, ad majorem iniquitatem repellendam adhibita, induit naturam acquiescentis. Justo igitur atque prudenter Princeps Reipubl. ejusmodi pactiones invalidas statuit, unde nec praesumendum eundem permittere velle, ut actus quas lege sua reprobavit semel, interveniente saltim partium juramento, rursus convalescant. Alioqui enim hominibus improbis, commoda semper pareret occasio, alios, praesertim in angustiis con-

flicu-

stitutos, prætextu religionis obligandi ac lædendi impune, ita vero, iusta qualibet ac salutaria principis placita, in fraudem obsequii ei debiti, nullo non tempore eludendi pro lubitu. Eapropter tali casu, ubi negotio, lege provinciali aut prorsus aut certa ratione invalido ac improbato, juramentum fuit adjectum, in foro quoque civili, magistratui præsertim inferiori a remediis coactivis abstinendum, ac pacificentes ad conscientiam ac jurisjurandi observantiam admonendi potius, quam compellendi sunt.

Levi nunc opera ad conclusiones & casus in foro civili speciatim obvenientes progredimur, ubi principia hucusque tradita & ob genuinam demonstrationem propemodum indubia, facili recte ubique monstrarunt viam. Varios autem casus, ad regulam primam ante propositam pertinentes, istius beneficio nunc definire possumus; ita, utut jure Romano reprobatæ sit renunciatio futuræ hæreditatis, transactio de iis quæ testamento sunt relicta tabulis nondum inspectis, transactio super alimentis sine prætoris cognitione & auctoritate, Donatio inter conjuges, Intercessio uxoris pro marito facta, fidejussio extranei pro eodem de dote restituenda &c. universa tamen hæc pacta atque renunciationes eapropter factæ, quando jurisjurandi munimine fuerint vallatæ, ex juris Canonici dispositione hodiernum valent; cum earum nullitas, ex mero jure Romanorum & putativo saltem paciscentium favore pendeat. cf. Titius in Jur. priv. L. 2. C. 14. §. 17. Brunnem. ad Tit. C. de fidej. dot. n. 4. Gail. L. 2. Obf. 40. Unde & Donationem juratam ultra 500. solidos, licet actis haud insinuatam, modo non sit in officiosa, extra Saxoniam valere judicamus, ovid. Gail. L. 2. Obf. 39. n. 12. Lyncker Resp. 156. n. 20. Quin & ipse Imp. Friedericus, in Auth. Sacramenta puberum C. si adv. vend. Pontificis consilia secutus, contractus minorum jurejurando

rando confirmatos, ac tacitam beneficii restitutionis in integrum renunciacionem continentes, omnimodo servari jussu; quæ constitutio, an prudentiæ, legislatoriæ satis conveniat, merito dubitamus cum illustri Boehmero l. c. §. 23. Quod porro ad collisionem juris Canonici cum legibus patriis & provincialibus, atque regulam 2dam, Sp̃ho præcedente idcirco traditam attinet, ejus illustranda causa, sequentis inservire queunt exempla: Videlicet cum jure speciatim Saxonico interdictos ac reprobatos videamus Contractus usurarios, pactave huc pertinentia, ut: Anatocismi, legis commissoriæ &c. per Mand. El. de anno 1625. von wucherlichen Contracten, verß. darneben so wollen wir &c. Dec. El. 28. & Mand. Reg. wider die Bancorout. d. a. 1724. §. 2. et. Cap. 6. X. de jurej. C. penult. X. d. pignor. porro Contractus cambiales Studiosorum, Mulierum, eorumve, mercatoribus tamen exceptis, qui annum erat. 25. nondum egressi sunt, Mand. Reg. d. a. 1718. & d. a. 1724. von Ausborgen junger Leute, Ord. Proc. Sax. Rec. in Append. §. 11. Stipulationes palmariorum ab Advocatis in casum victoriæ aut litis finitæ factas, vel promissiones, quibus mulctarum illis impositarum & ex proprio eorundem patrimonio solvendarum, restitutio a Clientibus promittitur, O. P. S. R. Tit. 3. §. 1. & 2. Contractus mulierum absque Curatorum consensu initos, ubi scil. status ac bonorum diversitas eundem exigit, Const. El. 15. P. 2. Mand. Reg. d. a. 1722. von Verschreib. und Obligat. derer Weibs-Personen. Carpz. ad. d. Const. El. Def. 1. Donationem Geradz ab Uxore marito factam, C. El. 13. P. 2. ibique Carpz. Def. 1. Donationem extrajudicialem 700. solidos excedentem, Decif. El. 26. Hi sane contractus, pacta atque renunciaciones easpropter factæ, quantumvis juratæ, ob rationes antea deductas, nullam in foro Saxonico producant obligationem; imo quoque exempla, ubi Augustissimus Saxonum AUGUSTUS, contractus, quos lege sua semel invalidos statuit, adjecta licet

clau-

clausula juratoria, neutiquam convalescere finit, quin & jurantem, creditorem, atque concipientem, poena arbitraria vult coerceri, vid. in all. Mand. Reg. d. a. 1718. wegen derer Studios. Wechsel-Brieffe, & Mand; d. a. 1724. von Aufsborg. Junger Leute, §. 1. cujus dispositio postmodum per Rescriptum peculiare d. a. 1727. ad Foeminarum 15. annis minorum cambia fuit extensa.

§. VI.

IV. Denique Renunciatio in *Generalem*, *Subalternam* & *Specialem* dispescitur. Generalis dicitur, quando contrahens, ab omni legum auxilio, i. e. omnibus sibi adversus negotii validitatem, tam in genere, quam in specie competentibus juri- bus atque exceptionibus, extra specialem earum denominatio- nem, sese excludit. vid. Stryck, de C. C. P. l. C. §. 5. 2. Quam re- nunciationem, ut rem lubricæ æstimationis, merito rejiciunt leges, eo quod vix probabile sit, renunciantem de omnibus ju- ribus ac beneficiis suis cogitare, singulasve eorundem species, quo quasi intuitu ob oculos habere potuisse, quin potius con- sensus renunciantis perfectus ac satis deliberatus, quo nego- tia consensualia vel maxime vitantur, hoc omnino casu exu- lare præsumatur, vid. l. 4. §. 4. ff. si quis caut. l. 1. in f. ff. si quis in jus voc. l. 5. & 9. in fin. ff. d. Transact. l. 31 C. cod. Concludi- mus inde, innoxiam esse debitori, renunciationem reconven- tionis, cambiæ aut chirographo adjectam. Ut enim tacemus, hanc summæ præjudicii renunciationem, plerumque fieri a de- bitore, qui opum angustiis pressus duroque necessitatis telo af- flictus, ad durissima quævis morosi creditoris postulata, con- cessus quasi descendit, metuens, ni ejus præscriptio morem gerat, ut pecuniæ oblatæ, qua maxime indiget, accipiendæ spem plane amittat; ea insuper ut generalis, parum proficiet creditori, cum multifarios casus & exceptiones, in posterum forte emer- gendas, & in reconventionis judicium deducendas, involvat,

quas debitor, qui omnes ac singulas tam accurate præmeditari
vix potuit, speciatim exprimere debuisset; accedit præcipuum
ex l. 67. §. 3. ff. de cond. indeb. subueniens argumentum, ubi
pactum contrahentium, quo omnibus ex contractu sorte ori-
undis litibus ac controversiis renunciarunt, eandem ob ratio-
nem improbat. Communis itaque & hic pro renunciante
militat præsumtio, eum scil. jura & pecunias suas, haud ita le-
viter jactare ac perdere voluisse, per l. 25. pr. ff. d. probat. &
Cap. 5. X. de renunc. Ita quoque debitori cambiiali, omnium
beneficiorum sibi competentium, generali saltem renuncia-
tione uso, integrum nihilominus manet, seriarum novindua-
lium privilegium, nisi expresse ac nominatim eo se abdicave-
rit, Ord. Pr. Sax. rec. Tit. 11. §. 5. Stryck. c. l. §. 3. ^{sup. p. 48}
Subalternam renunciationem vocant eam, qua quis juribus
in hoc vel illo contractu, ut Fidejussione, Emptione vendit. &c.
sibi speciatim competentibus, specificè tamen haud nomina-
tis, renunciat. Eamque alii simpliciter validam pronunciant,
vid. Carpz. P. 2. C. 17. D. 1. n. 4. Schilter Exerc. 48. n. 29. B.
Menck. ad ff. d. Fidejuss. §. 14. alii tum demum, cum renun-
cians de beneficiis suis fuerit certioratus, quoniam admodum in
Ord. Polit. Magdeburg. C. 53. §. 9. cautum legitur, Stryck. in
Uf. mod. ff. d. Fidejuss. §. 17. In Saxonia tamen Electoral. ex-
presse reprobata est talis renunciatio per Const. El. 17. P. 2. Tu-
tissimum hinc erit, generali aut subalternæ, specialem, quo-
rundam jurium adjicere renunciationem, v. g. renuncio tam
excussionis, quam omnibus ac singulis fidejussori competentibus
beneficiis, hoc enim casu, verba generalia, præcedentes ren-
unciationis specialis naturam induere dicuntur, Dalger c. l.
n. 7. Coler. c. l. n. 276. Köppen Decis. 53. n. 23. Atque hic renun-
ciandi modus, jure speciatim Saxonico admittitur, per d. Const.
17. P. 2. ibique Carpz. Def. 2. si scil. jura nominatim non expres-
sa, ita sint comparata, ut cum specialiter renunciatis quodam-
modo,

modo convenient, nec nimis generalia sint, nec plane singularia; de quibus probabiliter cogitatum non est, Stryck d. C. C. P. 1. C. 5. §. 2. Licet itaque fidejussor omnibus beneficiis, in specie pacti usurarii, erroris calculi, fraudulosa persuasionis &c. renunciaverit, ideo tamen reliqua fidejussoribus in specie competentia jura, neutiquam censetur remisisse, Berl. P. 2. C. 22. n. 22. Carpz. c. l. def. 3. Juramenti tamen adjecti pondus id efficere plerique contendunt, ut renunciatio generaliter saltem concepta, in specialem convertatur, atque adeo omne jus ac beneficium, quod alioquin renuncianti patrocinio ac tutamini esse possit, pro specialiter expresso atque remisso habeatur, arg. G. 9. X. d. jurej. l. 77. §. 23. ff. d. legat. 2. Berl. c. l. n. 27. Carpz. d. l. Def. 5. Serfer de juram. L. 1. C. 15. n. 73. quam quidem sententiam, in subalterna renuntiatione, de qua hic agitur, facile admittimus, minime vero ad generalem, qua scil. beneficiis omnibus, ac universis juribus, ex communi pactorum & conventionum indole emergentibus, nullo in specie nominato indifferenter renunciatur, adeoque nec ad casus, de generali renuntiatione notatos, extendendam esse arbitramur, facilius enim de illis quam de his cogitasse prælumitur renuncians; imo & ipsum Berlichium atque Carpzovium c. l. ad subalternam tantummodo renuntiationem respexisse, exempla ab iis adducta evincunt. Omnes tamen quæ insigniti cumulo a Berlichio aliisque congestæ leguntur rationes, in hoc fere positas esse censemus: leges nimirum civiles, renuntiationem generalem (quæ tamen ex naturalis juris simplicitate, omnino servari deberet, cum genere posito, etiam positam esse speciem, necesse sit, vid. Titius ad Lauterb. Obs. 554.) ideo reprobarunt, quo præcipitantior hominum, qui rarius futura respiciunt; ac imprudenti sapius consilio, in sui detrimentum facile quicquam admittunt, obviam eatur; hæc ipsa tamen levitas ac inconsiderata remissio, per sanctum juramenti usum purgata videtur, adeo ut hoc casu

renun-

renunciacioni generali, vel rectius subalternæ, eadem vis atque effectus, quem specialis gignere solet, non immerito tribuatur.

§. VII.

Specialis denique renunciatio est, ubi quis certo ac in specie nominato juri aut beneficio nuncium mittit; quæ ut suum in foro civili sortiatur effectum, tribus potissimum requisitis, ex definitione §. 2. suppetidata, promanantibus, constare debet: Primo scilicet quoniam renunciatio est voluntatis declaratio & species pacti, hinc necesse est, ut Renuncians, sit persona ad paciscendum habilis, i. e. consensum liberum & satis deliberatum, tam naturaliter, quam civiliter legitime declarare valeat. Secundo, cum & naturalia & civilia jura, læsionem alterius & juris ipsi competentis, prohibeant, hinc jus aut beneficium pro solo renunciante sit introductum, neque tertiis alicujus, simul non consentientis favorem concernat. Tertio denique quia leges civiles, quosdam actus morales qui licet non per se & directe nocivi sint, indirecte tamen & per consequentiam civibus damna inferre possunt ac solent, juste interdunt, inde renunciatio legibus prohibitivis haud contrarietur, potius, ut actus moralis, legibus undique conformis esse debet. infr. §. 12.

§. VIII.

Quatenus igitur per Definit. §. 2. præstructam, renunciatorum objecta sunt jura hominibus competentia; eatenus statim patet, quod iis, quæ unica & necessaria humanæ felicitatis media constituunt; atque potius officiorum nomine insignienda veniunt, uti sanitatis ac vitæ nostræ conservationi &c. neutriquam renunciari possit. vid. Magnif. Dn. D. Mülleri Natur- und Böcker. Recht C. 3. §. ult. In reliquis autem omnes, qui consentire, & paciscendo semet obligare, illi & renunciacionem, ut consensuale negotium, valide peragere possunt. Ad consensum vero, pactitium, tria potissimum requiruntur:

1) suffi-

1) sufficiens rationis usus s. facultas atque habilitas de præsenti negotio recte judicandi; 2) liberum voluntatis decretum; 3) denique mutua ejusdem signis externis a partibus facta declaratio & acceptatio, vid. Puffendorff. de Jur. Nat. & Gent. L. 3. C. 6. §. 3. sqq. Itaque ob primum requisiti defectum, quem & physicum appellare solent, validitate destituuntur pacta & hinc quoque renuntiationes furiosorum, infantum, extreme ebriorum. Cæcum vero mutuum vel surdum, quando signis evidentibus voluntatem suam exprimere valent, & aliis semet obligare & renunciare posse constat, vid. Stryck. de Jur. Senf. Diff. 2. C. 1. n. 2. sqq. cum tanta non sint hæc vitia, quæ mentis sanæ operationes impedire queant. De dolo, qui semper ignorantiam aut errorem decepti præsupponit, postea dicitur, ubi de ignorantia & erroris impuratione, accuratior tractatio habebitur.

Alterius requisiti defectus, quem & moralem dicunt, invalida reddidit pacta eorum, qui gravi & injusto metu ad consentiendum adacti sunt; de cujus moralitate vid. omnino Magnif. D. Mülleri *Natur- und Völkler-Recht*, C. 10. §. 16. Injustus vero metus dicitur, qui ita comparatus est, ut inferens nullum jus habeat exigendi id, quod ab altero præstendit. Ergo si alteri jamjam obligatio incumbat, ad præstandum id, quod & citra metum sibi incussum præstare debebat, hujus prætextu pacti invaliditatem neutiquam urgere potest. In statu tamen civili, ubi vis privata penitus prohibita est, nec hac ratione pacta subsistunt, sed metus atrocior a privato illatus semper injustus dicitur & ille qui id quod ab altero sibi debetur, remediis violentis extorquet, hujus amissione punitur, cum magistratus auxilium implorare debuisset, l. 13 ff quod met. c. aa. jg. ill. Bœhmeri J. Digest. Tit. quod met. caus.

Ad ignorantes, errantesve quod attinet, & qua ratione ignorantia assylum ipsis præsidio esse queat, non sane penitus

sufficere videntur ea, quæ a J.L. interpretibus indiscrete nimis
 vulgo proferuntur argumenta. Ita enim plerique philoso-
 phantur: Nulla renunciatio valet, ubi renuncians non ex-
 actam partem suorum notitiam habet, nam juri ignoto
 nemo renunciare censetur, & ignorans nihil facit, de iis
 enim verbis quæ non intellexit renuncians, cogitare non
 potest, & quæ sunt alia, vid. Dalner Tr. de Renunc. c. 1. n. 19. &
 25. A. a variis inter ignorantiam & errorem vincibilem & in-
 vincibilem, efficientem & concomitantem, juris & facti &c. ef-
 fectibus distinctionibus, rem incertam vix reddunt certio-
 rem. Ex quibus denique legum civilium regulis, in Tit. ff. & C. d. jur.
 & facti ignor. traditis, ut æque incertis ac lubricis, parum so-
 luti habebis, adeo ut probe monente B. Thomasio in Annotat.
 ad d. T. citus omnino sit hujus rei fundamenta ex doctrina
 moralī, quam Romanorum præceptis petere, liquidem hæc
 nullo ordine naturali cohzrent, tantisque exceptionibus ac
 limitationibus implicentur, ut difficillima sit eorundum appli-
 catio & praxis. Facilior sane hac in re undique erit decisio,
 quando ad naturalia de imputatione & indole factorum prin-
 cipi recurramus, secundum quæ ignorantia & error ei regula-
 riter imputandus, cujus culpa, & imprudenti consilio fuit ad-
 missus, non vero alteri, qui erroris nescius, promissum
 paciscentis bona fide accepit. Neque regula ista, quod
 omnis error necessario excludat consensum, omni exceptione
 caret, sepe enim tam exigui momenti est error, ut licet abfui-
 sset, errans nihilominus iniisset pactum. Sufficit paciscentem
 sufficienti rationis usu usque tam fuisse, sibi que non alteri tri-
 buendum esse culpam, quando rem prouti potuit ac debuit, non
 quæste suis perpendit. Unicum namque consensus criterium
 est, si verbo ore scriptis ve prolata, vel scilicet paciscentis inten-
 tione probabili ratione indicantia, quandoquidem præter ea
 patris in mente retentis nemo judicare potest; unde si
 verba

verba factaque alter, quemadmodum sibi ab altero sanz rationis ac liberi arbitrii satis compote prodita sunt, accipit, pactum omnino adest perfectum validumque. Ex indubiis hisce præmissis: *Omne scil. damnum ei regulariter adscribendum esse, cujus culpa aut infortunio contigit*; Consensum vero pactititium ejus qui perfecto rationis usu ac libero voluntatis arbitrio gaudet non nisi ex verbis factisve ab eo editis judicandum esse; manifeste satis patet, a damno ex erroneo consensu suborto, haud prius liberandum esse paciscentem, quam si non sua solum, sed & alterius simul partis culpa aut dolo in errorem l. ignorantiam fuerit adductus, velex ipsis verbis factisve, quibus consensum alteri fuit testatus certo aut probabiliter constare possit, circumstantiam s. causam istam, (sive jus, s. factum, s. certa rei qualitas fuerit) in qua erravit paciscent, ut restrictionem & conditionem consensus, expresse l. tacite ab eo fuisse suppositam. Cumque & literis saepe conventionis tenorem tradere soleant contrahentes, his quoque partium subscriptione munitis omnino standum, quanquam scribeutis errore vitium irrepserit, aut sensum verbalem non satis perspexerit subscribens, ni itidem ex verbis factisve, quibus consensus pactititius ante scripturam jam declaratus est, quibusve adeo ipsa innititur scriptura, alia eaque vera ejusdem mens ac intentio probari queat, quo impri- mis l. 92. ff. d. R. J. L. 18. C. de probat. l. 10. C. de donat. & l. r. C. plus val. spectant, majores veritati rei & ei quod vere inter paciscentes gestum est, quam quod scriptum, vires tribuentes. Quemadmodum vero, uti supra diximus, ignorantia & error pactum legitimis constans requisitis regulariter haud invalidum, ita neque validum reddere potest pactum iisdem requisitis destitutum, aut singulari legis civil. dispositione reprobatum, v. g. si quis filiosfam. statum ejus ignorans, mutuum dederit, ni forsitan falsa ac dolosa filiisfam. patremfam. simulantis suggestionem, in hunc errorem inductus fuerit creditor, vid. Reg. II.

tum enim non filiosam. decipienti, sed Creditori potius decepto succurritur, l. 1. C. ad SCt. Maced. eadem in simili casu decisio habetur, in Mand. Reg. d. a. 1724. von Musborgen junger Reute &c. §. 4.

Error itaque l. ignorantia conventionem tum demum reddit nullam, quando vel culpa dolove alterius partis inductus fuerit errans, vel ex ipsis verbis factisve contractum antecedentibus aut concomitantibus vero similiter colligi queat, circumstantiam istam in qua erravit alter, ut necessariam consensus conditionem tacite ab eo suppositam fuisse.

Tacita autem hac conditio & consensus determinatorum adfuisse præsумitur, *quando error in parte contractus Substantialis* (cujus notionem jam suppeditavimus in specim. Demonstrat. jurid. de Subhastationibus anno 1739. edit. §. 27. in Schol.) fuit commissus, adeoque damnum ex eo veniens tanti est monenti, ut probabile sit errantem, si vitium rei scivisset, haur fuisse consensurum. Atque hic error efficax, id, Substantialis, consensum exclusivus vocatur.

Circumstantias istas, quas paciscentes ut conditiones consensus tacite respicere ac supponere solent, leges civil. quibusdam in casibus certo determinarunt, ut in Empt. vendit. ratione lésionis ultra dimidium, it. vitiorum equi latentium & cardinalium, ut res vendita ab oneribus libera præstetur, it. in donatione, ut donans ad præstandam evictionem haud obligatus esse velit, it. in Sponsalibus ac matrimonio ut virgo ducta illibatam habeat virginitatem, vid. Carpz. Ipr. Confistor. P. 2. D. 187.

Deficiente igitur ejusmodi circumstantia, quæ tanquam necessaria consensus pactititii conditio ac restrictio fuit supposita, pactum regul. est nullum, *ita ut alter electionem habeat, an alteri, qui tali errore consensum exclusivo lesus est, damnum inde*

de veniens rescire, an vero ipsius pacti rescissionem seu restitutionem negotii in pristinum statum pati velit, i. e. quod accepit restituere lzo, & recipere quod ipsi dedit. Sin autem ejus rescissionem nolit lxsus, quin potius damnum perferre, pactum eatenus perfluit, quoniam hoc casu alterius non interest. Si denique in dolo fuerit ladens, omnis electio est apud errantem lxxviii. jg. Menck. ad ff. d. resc. vend. §. 1. 8. 9.

Hinc patet simul differentia inter rescissionem pacti onerosi ut emt. vend., & pact. gratuiti ut donationis, si enim illud rescinditur, emtor rem venditam & venditor pretium restituit; sin vero hoc, nec donatarius nec donans quicquam restituit, hic enim nihil accepit, ille vero, ut ante dictum damnum ex errore sibi veniens ferre potest si velit, adeoque & rei donatæ licet vilioris aut deterius quam putabat, traditionem exigere. Exemplum est in l. 22. de verb. obl. ubi si alter alteri xs donaverit, quod aurum esse alter putabat, nulla dicitur donatio, ita tamen ut æris nomine teneatur donans, cum nullum exinde damnum sentiat. Sin autem sciens fefellerit donatarium, ex dolo tenetur ad auri præstationem, *per Reg. II. d. l. 22. j. l. 18. in f. d. donat. Idem dicendum, quando expresse ad evictionem se obligaverit, l. 2. C. d. evict.*

Aliorum casuum in vita civili obvenientium, ex regulis suppeditatis, facillima erit decisio. Ita *Reg. II. dam confirmat l. 35. ff. d. pact. statuens: Eum qui ex ignorantia fraudis ab altera parte commissi transegit aut renunciavit, isto pacto non teneri, v. g. Si hæredes in instrumento super divisione hæreditatis confecto, juribus suis renunciaverint, ignorantes res quasdam hæreditarias ab altero cohæredum dolo esse substractas.*

Ita porro. si e. g. pro Auro Argentove, xs aut plumbum per errorem quis emerit, nulla est emptio, l. 9. §. 2. ff. d. contr. emt. quoniam ex ipsis contrahentium verbis factisve apparet, consensus pactitii objectum, aurum fuisse &c. *per Reg. III.*

Si hæres creditori defuncti caverit, se debitum ex hæreditate soluturum, postea vero massam hæreditariam debito minore deprehendat, ultra vires ejus non teneretur, l. 31. ff. de cond. indeb. tacita enim subest conditio, si vires hæreditatis sufficiant. *per d. Reg. III.*

Si hæres, legis falcidix beneficii ignorans, integra solverit legata, repetitio cessat, l. f. §. f. ff. d. j. & f. ign. ipsum enim solutionis factum, tacitam hujus beneficii renunciationem involvit, ignorantia vero ipsi haud patrociniatur, cum propria ejus culpa evenerit, neque falcidix jus, ad legatorum substantialia pertineat; *per Reg. I.* secus dicendum si expressa conditione, ut si falcidia emerferit superfluum reddatur, solverit, l. 2. ff. d. cond. indeb.

Si pecuniam quam me tibi debere falso existimabam, jussu tuo sponderim ei cui donare volebas, postea vero me tibi nil debere appareat, exceptione doli mali tueri me potero, l. 2. §. 3. 4. ff. d. donat. tacita enim hac conditione, si vere debeam sponderi, *per Reg. III.*

Ita ex *d. Reg. III.* patet, l. 10. C. d. j. & f. ignor. quæ conditionem indebiti ex ignorantia juris soluti, competere negat, dum omnino limitationem pati, quando erronea solutionis causa, adeoque ipsius consensus obligatorii vitium, ex circumstantiis solutionem antecedentibus aut concomitantibus, certo aut probabiliter colligi potest. Unde si v. c. hæres ab intestato, alios cognatos, jure statuario istius loci haud succedentes, per ignorantiam istius juris in divisione hæreditatis admisit, salvam omnino habet conditionem, quia nimirum hæc conditio: si scil. leges jus succedendi tribuant cognatis, ut successionis norma a dividentibus expresse fuit supposita, vid. *Carpz. P. 3. C. 15. D. 42.*

Atque

Atque hæc regulæ ex Juris natural. & communibus rationis principiis deductæ, omnium omnino casuum, ubi de ignorantia & erroris imputatione quæstio incidit, decidendorum constituunt normam, ni paucas personas, quarum ignorantia leges civil. ob præsumtum judicii aut prudentia defectum, ex ætate, educatione, & imperito vitæ genere oriundum, indulgentiam fecere, excipias: Pupillos scil. Minores, quandoque & Milites, Rusticos ac Fœminas, hac tamen distinctione, ut pupillis & minoribus in negotiis ignorantia juris gestis aut omiſſis & notabilem læsionem continentibus, ob singulare ætatis privilegium in l. 44. l. 7. §. 6. ff. & l. 8. C. de minor. ipsis concessum, indistincte restitutionis auxilio succurratur; hac ratione si minor filiosam. crediderit, subvenitur ei, ut non videatur filiosam. credidisse, l. 9. pr. ff. d. j. & f. ign. Reliquis vero personis talis ignorantia excusatio certis tantummodo casibus, imo & tunc non nisi deficiente Jurisperitorum copia & consulendi occasione, patrocinium præstat, per l. 9. §. 3. ff. eod. l. 10. d. bon. poss. l. 2. in l. quis ord. in poss. Cum autem nostris temporibus Jctorum copia ubivis locorum fere abundet, exiguum ignorantia usum, militibus, rusticis ac fœminis amplius superesse deprehendes; Brunnem. ad l. 9. ff. d. j. & f. ign. n. 4. & ad l. 1. C. eod. n. 14. Ludovici Doctr. ff. d. T. §. 2. B. Menck. ad ff. e. T. §. 5. Dn. de Wernher Obs. for. 52. Nihilominus tamen in fœminarum intercessionibus, quarum validitas ex adjecta privilegii SCti. Vellej. renunciatione pendet, specialem hujus explicationem & certiorationem, usualis DD. opinio & praxis requirit; hæc vero, an & in jurata hujus privilegii renunciatione necessaria sit, ita ut omiſſa certioratione tota fidejussio & renuntiatio jurata corruat? non conveniunt DD. & hanc quidem sententiam amplectuntur Mascard. de probat. Concl. 1080. no. 22. Carpz. P. 2. C. 16. n. 19. Zanger. de Except. P. 3. C. 11. n. 204. eamque certiorationem in foris Saxonis esse

esse de substantia fidejussionis muliebris etiam jurata ex Decis. El. 25. patet. Nihilominus ubi leges statutarie præter juramentum eandem expresse haud desiderant, ex verioribus principiis & Jure Canonico contrariam omnino defendimus sententiam, cum Zæfio ad SCtum Vellej. Hering. de fidejussor. C. 7. n. 507. Gail. L. 2. Obf. 77. n. 10. Brunnem. ad l. f. ff. d. SCto Vellej. n. 17. Struv. Exercit. 21. th. 10. Schilt. Exercit. ad ff. 28. §. 9. Enimvero vix solida subesse videtur ratio, quamobrem foeminas ex contractibus suis non perinde ac viros firmiter teneri statuamus, præprimis cum curatorum aliorumque jurisperitorum adjutorio atque consiliis raro defituantur, adeo ut hocce beneficium Romanorum subtilitates nimis redolens, ut supervacuum nostrisque moribus haud conforme, rectius eliminandum esse plures perspexerint, vid. Thomaf. Dissert. de exiguo usu SCti Vellej. Titius Obf. Lauterb. 444. & 445. Dn. D. Freisleben in Introd. Jurisprud. civil. L. 1. C. 1. §. 14. Existente igitur, hoc casu, naturali ac perfecta ad servandam fidejussionem obligatione, quam quidem ad juramenti efficaciam sufficere, §. 5to. satis demonstratum dedimus, nil superest dubii, quin foeminam etiam non facta hujus beneficii explicatione, ad renunciationis ac fidei jurata observantiam omnino teneri censeamus, cf. C. 9. X. de jurej. Unde & Cautela quam Stryckius diffeniens in Ul. mod. ff. ad SCtum Vellej. §. 23. suppetidat, mulieri scil. solutionem, obtentu certiorationis omiffa detrectanti, malitiæ juramentum esse deferendum, fere abundans videtur, cum extra Saxoniam vel sola jurisjurandi a foemina intercedente facta interposicio, ad tollendum privilegii Vellejani usum, prouti ex dictis patet, sufficiat. Reliquis quæ forte de pupillorum, minorum, mulierumve renunciationibus adhuc commemoranda forent, superfedemus; quæ enim circa harum personarum passionem & contractus regulariter attendenda sunt requisita solennitatesve, eadem & hic ob negotii paritatem

tatem adhibendæ veniunt, quæ in singulis fere jurium Systematibus uberius jam pertracta leguntur. vid. Stryckii Tr. de Caut. Contr. S. 1. C. 2. per tot. B. Menck. ad ff. d. Pact. §. 12. de fœminis Saxonis speciatim, Const. El. 15. P. 2. Dec. nov. 24. & Mand. Reg. d. d. 18. Nov. 1721. Ord. Proc. Rec. sub No. 12. annexum.

§. IX.

Hæc de primo validæ renunciationis requisito. Jam p. §. 7. Ido requiritur, ut jus aut beneficium pro solo renunciante sit introductum, & tertii alicujus, simul haud consentientis, favorem non concernat. Jus enim tertii per alterius pactum lædi, nullo jure permissum, l. 27. §. 4. ff. d. pact. & quod ex lege alicui datum est lucrum, privatus sufferre non potest; Nov. 22. C. 33. Imo & principum, quæ subditis quandoque indulgent, concessionibus, tacita semper inesse dicitur clausula: salvo jure tertii l. 2. §. 10. & 16. ff. ne quid in loc. publ. Fam ob causam lex 31. & l. fin. c. locat. milites a fidejussione nec non prædiorum conductionibus prohibere constituit, ne scil. ab armis pro republica gestandis avocentur, & vicinis graves existant; Unde & isti privilegio, in reipublicæ romanæ, bellis eo tempore plurimum turbatæ, favorem constituto, valide haud renunciabatur. vid. Hopp. Comm. ad Inst. §. 14. d. Excusat. Tutor. & pr. J. d. fidejuss. Hodiernis autem moribus, & fidejussiones, & conductiones, & emtiones, & quosvis alios contractus valide ineunt milites, communi totius Germaniæ usu probante. Groenwegen de leg. abrogat. ad d. l. 31. C. Beyer ad ff. locat. pos. 19. Not. a. Cum enim tanta armorum impedimenta, quæ Romani inde forsitan sentiebant, nostris temporibus non amplius observentur, atque damna reipublicæ, ex militum contractibus venientia, ea jam non sint, quæ in statu bellicoso reipublicæ romanæ erant; inde nec militibus nostris, communem paciscendi ac contrahendi libertatem, hodie quisquam in
G dubium

rando confirmatos, ac tacitam beneficii restitutionis in integrum renunciationem continentes, omnimodo servari jussu; quæ constitutio, an prudentiæ, legislatoris satis conveniat, merito dubitamus cum illustri Boehmero l. c. §. 23. Quod porro ad collisionem juris Canonici cum legibus patriis & provincialibus, atque regulam 2dam, Spho præcedente idcirco traditam attinet, ejus illustranda causa, sequentis inservire queunt exempla: Videlicet cum jure speciatim Saxonico interdictos ac reprobatos videamus Contractus usurarios, pactave huc pertinentia, ut: Anathemismi, legis commissoriae &c. per Mand. El. de anno 1625. von wucherlichen Contracten, vers. darneben so wollen wir &c. Dec. El. 28. & Mand. Reg. wider die Bancorout. d. a. 1724. §. 2. cf. Cap. 6. X. de jurej. C. penult. X. d. pignor. porro Contractus cambiales Studiosorum, Mulierum, eorumve, mercatoribus tamen exceptis, qui annum ætat. 25. nondum egressi sunt, Mand. Reg. d. a. 1718. & d. a. 1724. von Ausborgen junger Leute. Ord. Proc. Sax. Rec. in Append. §. 11. Stipulationes palmariorum ab Advocatis in casum victoriæ aut litis finitæ factas, vel promissiones, quibus mulctarum illis impositarum & ex proprio eorundem patrimonio solvendarum, restitutio a Clientibus promittitur, O. P. S. R. Tit. 3. §. 1. & 2. Contractus mulierum absque Curatorum consensu initos, ubi scil. status ac bonorum diversitas eundem exigit, Const. El. 15. P. 2. Mand. Reg. d. a. 1722. von Verschreib. und Obligac. derer Weibs-Personen. Carpz. ad. d. Const. El. Def. 1. Donationem Geradz ab Uxore marito factam, C. El. 13. P. 2. ibique Carpz. Def. 1. Donationem extrajudicalem 500. solidos excedentem, Decis. El. 26. Hi sane contractus, pacta atque renunciationes, expropter factæ, quantumvis juratæ, ob rationes antea deductas, nullam in foro Saxonico producant obligationem; imo quoque exempla, ubi Augustissimus Saxonum AUGUSTUS, contractus, quos lege sua semel invalidos statuit, adjecta, licet

clau-

clausula juratoria, nevisquam convalescere, finit, quin & jurantem, creditorem, atque concipientem, poena arbitraria vult coerceri, vid. in all. Mand. Reg. d. a. 1718. wegen Derer Studiol. Beschl. Brüssel, & Mand; d. a. 1724. von Aufborg. Junger Leute, §. 1. cujus dispositio postmodum per Referendum peculiare d. a. 1727. ad Foeminarum 15, annis minorum cambia fuit extensa.

§. VI.

IV. Denique Renunciatio in *Generalem*, *Subalternam* & *Specialem* dispescitur. Generalis dicitur, quando contrahens, ab omni legum auxilio, i. e. omnibus sibi adversus negotii validitatem, tam in genere, quam in specie competentibus juri- bus atque exceptionibus, citra specialem earum denominatio- nem, sese excludit. vid. Stryck, de C. C. P. L. C. 5. §. 2. Quam re- nunciationem, ut rem lubricæ æstimationis, merito rejiciunt leges, eo quod vix probabile sit, renunciantem de omnibus ju- ribus ac beneficiis suis cogitare, singulasve eorundem species, quo quasi intuitu ob oculos habere potuisse, quin potius con- sensus renunciantis perfectus ac satis deliberatus, quo nego- tia consensualia vel maxime nituntur, hoc omnino casu exu- lare præsumatur; vid. l. 4. §. 4. ff. si quis caut. l. 1. in f. ff. si quis in jus voc. l. 5. & 9. in fin. ff. d. Transact. l. 31 C. cod. Concludi- mus inde, innoxiam esse debitori, renunciationem reconven- tionis, cambio aut chirographo adjectam. Ut enim tacemus, hanc summi præjudicii renunciationem, plerumque fieri a de- bitore, qui opum angustiis pressus duroque necessitatis telo af- flictus, ad durissima quævis inotosi creditoris postulata, con- cessus quasi de se descendit, metuens, ni ejus præscripto morem gerat, ut pecuniæ oblatæ, qua maxime indiget, accipiendæ spem plane amittat; ea insuper ut generalis, parum proficiet creditori, cum multifarios casus & exceptiones, in posterum forte emer- gendas, & in reconventionis judicium deducendas, involvat,

quas debitor, qui omnes ac singulas tam accurate præmeditari vix potuit, speciatim exprimere debuisset; accedit præcipuum ex l. 67. §. 3. ff. de cond. indeb. subveniens argumentum, ubi pactum contrahentium, quo omnibus ex contractu forte oriundis licibus ac controversiis renunciarunt, eandem ob rationem improbat. Communis itaque & hic pro renunciante militat præsumtio, eum scil. jura & pecunias suas, haud ita leviter jactare ac perdere voluisse, per l. 25. pr. ff. d. probat. & Cap. 5. X. de renunci. Ita quoque debitori cambiiali, omnium beneficiorum sibi competentium, generali saltem renunciatione uso, integrum nihilominus manet, feriarum nuudinalium privilegium, nisi expresse ac nominatim eo se abdicaverit, Ord. Pr. Sax. rec. Tit. II. §. 5. Stryck. c. l. §. 3.

Subalternam renunciationem vocant eam; qua quis juribus in hoc vel illo contractu, ut Fidejussione, Emptione vendit. &c. sibi speciatim competentibus, specificè tamen haud nominatis, renunciat. Eamque alii simpliciter validam pronunciant, vid. Carpz, P. 2. C. 17. D. I. n. 4. Schilter Exerc. 48. n. 29. B. Menck. ad ff. d. Fidejuss. §. 14. alii tum demum, cum renunciatus de beneficiis suis fuerit certioratus; quemadmodum in Ord. Polit. Magdeburg. C. 53. §. 9. cautum legitur, Stryck. in Ul. mod. ff. d. Fidejuss. §. 17. In Saxonia tamen Electoral. expresse reprobata est talis renunciatio per Const. El. 17. P. 2. Tutissimum hinc erit, generali aut subalternæ, specialem, quorundam jurium adicere renunciationem, v. g. renunciamt excussionis, quam omnibus ac singulis fidejussori competentibus beneficiis, hoc enim casu, verba generalia, præcedentis renunciationis specialis naturam induere dicuntur, Dalner c. l. n. 7. Coler. c. l. n. 276. Köppen Decis. 53. n. 23. Atque hic renunciandi modus, jure speciatim Saxonico admittitur, per d. Const. 17. P. 2. ibique Carpz. Def. 2. si scil. jura nominatim non expressa, ita sint comparata, ut cum specialiter renunciatis quodammodo,

modo convenient, nec nimis generalia sint, nec plane singularia, de quibus probabiliter cogitatum non est. Stryck d. C. C. P. 1. C. 5. §. 2. Licet itaque fidejussor omnibus beneficiis, in specie pacti usurarii, erroris calculi, fraudulosa persuasionis &c. renunciaverit, ideo tamen reliqua fidejussoribus in specie competentia jura, neutiquam censetur remisisse; Berl. P. 2. C. 22. n. 22. Carpz. c. 1. def. 3. Juramenti tamen adjecti pondus id efficere plerique contendunt, ut renunciatio generaliter saltem concepta, in specialem convertatur, atque adeo omne jus ac beneficium, quod alioquin renuncianti patrocinio ac tutamini esse possit, pro specialiter expresso atque remisso habeatur, arg. Gap. X. d. jurej. l. 77. §. 23. ff. d. legat. 2. Berl. c. 1. n. 27. Carpz. d. l. Def. 5. Serfer de juram. L. 1. C. 15. n. 73. quam quidem sententiam, in subalterna renuntiatione, de qua hic agitur, facile admittimus, minime vero ad generalem, qua scilicet beneficiis omnibus, ac universis juribus, ex communi pactorum & conventionum indole emergentibus, nullo in specie nominato indifferenter renunciatur, adeoque nec ad casus, de generali renuntiatione notatos, extendendam esse arbitramur, facilius enim de illis quam de his cogitasse præsumitur renunciatus; imo & ipsum Berlichium atque Carpzovium c. 1. ad subalternam tantummodo renuntiationem respexisse, exempla ab iis adducta evincunt. Omnes tamen quæ insigni cumulo a Berlichio aliisque congestæ leguntur rationes, in hoc fere positas esse censemus: leges nimirum civiles, renuntiationem generalem (quæ tamen ex naturalis juris simplicitate, omnino servari deberet, cum genere posito, etiam positam esse speciem, necesse sit, vid. Titius ad Lauterb. Obs. 554.) ideo reprobant, quo præcipitanter hominum, qui rarius futura respiciunt; ac imprudenter sapius consilio, in sui detrimentum facile quicquam admittunt, obviæ eatur; hæc ipsa tamen levitas ac inconsiderata remissio, per sanctum juramenti usum purgata videtur, adeo ut hoc casu

renun-

renunciationi generali, vel rectius subalternæ, eadem vis atque effectus, quem specialis gignere solet, non immerito tribuatur.

§. VII.

Specialis denique renunciatio est, ubi quis certo ac in specie nominato juri aut beneficio nuncium mittit; quæ ut suum in foro civili sortiat effectum, tribus potissimum requisitis, ex definitione §. 2. suppetidata, promanantibus, constare debet: *Primo* scil. quoniam renunciatio est voluntatis declaratio & species pacti, hinc necesse est, ut *Renuncians, sit persona ad paciscendum habilis*, i. e. consensum liberum & latis deliberatum, tam naturaliter, quam civiliter legitime declarare valeat. *Secundo*, cum & naturalia & civilia jura, læsionem alterius & juris ipsi competentis, prohibeant, hinc *jus aut beneficium pro solo renunciante si introductum, neque tertii alicujus, simul non consentientis favorem concernat*. *Tertio* denique quia leges civiles, quosdam actus morales qui licet non per se & directe nocivi sint, indirecte tamen & per consequentiam civibus damna inferre possunt ac solent, juste interdunt, inde *renunciatio legibus prohibitis haud contrarietur, potius, ut actus moralis, legibus undique conformis esse debet*. infr. §. 12.

§. VIII.

Quatenus igitur per Definit. §. 2. præstructam, renunciationum objecta sunt jura hominibus competentia; eatenus statim patet, quod iis, quæ unica & necessaria humanæ felicitatis media constituunt; atque potius officiorum nomine insignienda veniunt, uti sanitatis ac vitæ nostræ conservationi &c. neutriquam renunciari possit. vid. Magnif. Dn. D. Mülleri *Natur- und Völk. Recht* C. 3. §. ult. In reliquis autem omnes, qui consentire, & paciscendo semet obligare, illi & renunciatio nem, ut consensuale negotium, valide peragere possunt. Ad consensum vero, pactitium, tria potissimum requiruntur:

1) suffi-

1) sufficiens rationis usus s. facultas atque habilitas de præsen-
ti negotio recte judicandi; 2) liberum voluntatis decretum;
3) denique mutua ejusdem signis externis a partibus facta de-
claratio & acceptatio, vid. Puffendorff. de Jur. Nat. & Gent. L.
3. C. 6. §. 3. sqq. Itaque ob primum requisiti defectum, quem
& physicum appellare solent, validitate destituuntur pacta &
hinc quoque renuntiationes furiosorum, infantum, extremo
ebriorum. Cæcum vero mutuum vel surdum, quando signis
evidentibus voluntatem suam exprimere valent, & aliis semet
obligare & renunciare posse constat, vid. Stryck. de Jur. Senf.
Diff. 2. C. 1. n. 2. sqq. cum tanta non sint hæc vitia, quæ mentis
sanæ operationes impedire queant. De dolo, qui semper
ignorantiam aut errorem decepti præsupponit, postea dicetur,
ubi de ignorantia & erroris imputatione, accuratior tractatio
habebitur.

Alterius requisiti defectus, quem & moralem dicunt, in-
valida reddidit pacta eorum, qui gravi & injusto metu ad consen-
tiendum adacti sunt; de cujus moralitate vid. omnino Magnif.
D. Mülleri *Natur- und Völkler-Recht*, C. 10. §. 16. Injustus
vero metus dicitur, qui ita comparatus est, ut inferens nullum
jus habeat exigendi id, quod ab altero prætendit. Ergo si al-
teri jamjam obligatio incumbat, ad præstandum id, quod & ci-
tra metum sibi incussum præstare debebat, hujus prætextu pa-
cti invaliditatem nequaquam urgere potest. In statu tamen
civili, ubi vis privata penitus prohibita est, nec hac ratione pa-
cta subsistunt, sed metus atrocior a privato illatus semper inju-
stus dicitur & ille qui id quod ab altero sibi debetur, remediis
violentis extorquet, hujus amissione punitur, cum magistratus
auxilium implorare debuisset, l. 13. ff. quod met. c. aa. jg. ill. Bæh-
meri J. Digest. Tit. quod met. caus.

Ad ignorantes, errantesve quod attinet, & qua ratione
ignorantia assylum ipsis præsidio esse queat, non sane penitus
suffi-

sufficere videntur ea, quæ a L.L. interpretibus indiscrete nimis vulgo proferuntur argumenta. Ita enim plerique philosophantur: Nulla renunciatio valet, ubi renuncians non exactam jurium suorum notitiam habet, nam juri ignoto nemo renunciare censetur, & ignorans nihil facit, de iis enim juribus quæ non intellexit renuncians, cogitare non potuit, & quæ sunt alia, vid. Dalner Tr. de Renunc. c. 1. n. 19. & 25. Alii variis inter ignorantiam & errorem vincibilem & invincibilem, efficacem & concomitantem, juris & facti &c. effectivatis distinctionibus, rem incertam vix reddunt certiore. Ex ipsis denique legum civilium regulis, in Tit. ff. & C. d. jur. & facti ignor. traditis, ut æque incertis ac lubricis, parum solatii habebis, adeo ut probe monente B. Thomasio in Annotat. ad d. T. satius omnino sit hujus rei fundamenta ex doctrina morali, quam Romanorum præceptis petere, siquidem hæc nullo ordine naturali coherent, tantisque exceptionibus ac limitationibus implicantur, ut difficillima sit eorundum applicatio & praxis. Facilior sane hac in re undique erit decisio, quando ad naturalia de imputatione & indole pactorum principia recurrimus, secundum quæ ignorantia & error ei regulariter imputandus, cujus culpa, & imprudenti consilio fuit admissus, non vero alteri, qui erroris nescius, promissum paciscentis bona fide acceptavit. Neque regula ista, quod omnis error necessario excludat consensum, omni exceptione caret, sepe enim tam exigui momenti est error, ut licet abfuisse, errans nihilominus iniisset pactum. Sufficit paciscentem *sufficienti rationis usu instructum fuisse*, sibi que non alteri tribuendam esse culpam, quando rem prouti potuit ac debuit, non exacte satis perpendit. Unicum namque consensus criterium sunt vel verba ore scriptisve prolata, vel facta paciscentis intentionem probabili ratione indicantia, quandoquidem præter ea de propositis in mente retentis nemo judicare potest; unde si verba

verba factaque alter, quemadmodum sibi ab altero sanæ rationis ac liberi arbitrii satis compote prodita sunt, accipit, pactum omnino adest perfectum validumque. Ex indubiis hisce præmissis: *Omne scil. damnum ei regulariter adscriben-* Reg. I.
dum esse; cuius culpa aut infortunio contigit; Consensum vero
pactititium ejus qui perfecto rationis usu ac libero voluntatis
arbitrio gaudet non nisi ex verbis factisve ab eo editis judican-
dum esse; manifeste satis patet, a damno ex erroneo consensu
suborto, haud prius liberandum esse paciscentem, quam si non Reg. II.
sua solum, sed & alterius simul partis culpa aut dolo in errorem
l. ignorantiam fuerit adductus, vel ex ipsis verbis factisve, qui- Reg. III.
bus consensum alteri fuit restatus certo aut probabiliter constare
possit, circumstantiam s. causam istam, (sive jus, s. factum, s. cer-
ta rei qualitas fuerit) in qua erravit paciscens, ut restrictionem
& conditionem consensu, expresse l. tacite ab eo fuisse suppositam.
Cumque & literis sæpe conventionis tenorem tradere soleant
contrahentes, his quoque partium subscriptione munitis omnino Reg. IV.
standum, quanquam scribentis errore vitium irrepserit, aut sen-
suum verbalem non satis perspexerit subscribens, ni itidem ex ver-
bis factisve, quibus consensus pactititius ante scripturam jam
declaratus est, quibusve adeo ipsa innititur scriptura, alia ea-
que vera ejusdem mens ac intentio probari queat, quo imprimi-
us l. 92. ff. d. R. J. L. 18. C. de probat. l. 10. C. de donat. & l. 1.
C. plus val. spectant, majores veritati rei & ei quod vere inter
paciscentes gestum est, quam quod scriptum, vires tribuentes.
Quemadmodum vero, uti supra diximus, ignorantia & error
pactum legitimis constans requisitis regulariter haud invali-
dum, ita neque validum reddere potest pactum iisdem requisitis
defectuum, aut singulari legis civil. dispositione reprobatum, v. g.
si quis filiosamil. statum ejus ignorans, mutuum dederit; ni
forstian falsa ac dolosa filiisamil. patremfamil. simulantis sug-
gestionem, in hunc errorem inductus fuerit creditor, vid. Reg. II.

tum enim non filiosam. decipienti, sed Creditori potius decepto succurritur, l. 1. C. ad SCt. Maced. eadem in simili casu decisio habetur, in Mand. Reg. d. a. 1724. von Hufborten junger Leute &c. §. 4.

Error itaque l. ignorantia conventionem tum demum reddit nullam, quando vel culpa dolove alterius partis inductus fuerit errans, vel ex ipsis verbis factisve contractum antecedentibus aut concomitantibus vero similiter colligi queat, circumstantiam istam in qua erravit alter, ut necessariam consensus conditionem tacite ab eo suppositam fuisse.

Tacita autem hac conditio & consensus determinationum adfuisse praesumitur, *quando error in parte contractus Substantiali* (cujus notionem jam suppeditavimus in Specim. Demonstrat. jurid. de Subhastationibus anno 1739. edit. §. 27. in Schol.) fuit commissus, adeoque damnum ex eo veniens tanti est monenti, ut probabile sit errantem, si vitium rei scivisset, haut fuisse consensurum. Atque hic error efficax, it. Substantialis, consensum exclusivus vocatur.

Circumstantias istas, quas paciscentes ut condiciones consensus tacite respicere ac supponere solent, leges civil. quibusdam in casibus certo determinarunt, ut in Emt. vendit. ratione laesionis ultra dimidium, it. vitiorum equi latentium & cardinalium, ut res vendita ab oneribus libera praestetur, it. in donatione, ut donans ad praestandam evictionem haud obligatus esse velit, it. in Sponsalibus ac matrimonio ut virgo ducta illibatam habeat virginitatem, vid. Carpz. Ipr. Confistor. P. 2. D. 187.

Deficiente igitur ejusmodi circumstantia, quae tanquam necessaria consensus pactititii conditio ac restrictio fuit supposita, pactum regul. est nullum, *ita ut alter electionem habeat, an alteri, qui tali errore consensum exclusivo laesus est, damnum inde*

de veniens rescire, an vero ipsius pacti rescissionem seu restitutionem negotii in pristinum statum pati velit, i.e. quod accepit restituere l'zso, & recipere quod ipsi dedit. Sin autem ejus rescissionem nolit l'zsus, quin potius damnum perferre, pactum eatenus persistit, quoniam hoc casu alterius non interest. Si denique in dolo fuerit ledens, omnis electio est apud errantem l'zsum. jg. Menck. ad ff. d. resc. vend. §. 1. 8. 9.

Hinc patet simul differentia inter rescissionem pacti one-rosi ut emt. vend., & pact. gratuiti ut donationis, si enim illud rescinditur, emtor rem venditam & venditor pretium restituit; sin vero hoc, nec donatarius nec donans quicquam restituit, hic enim nihil accepit, ille vero, ut ante dictum damnum ex errore sibi veniens ferre potest si velit, adeoque & rei donatae licet vilioris aut deterioris quam putabat, traditionem exigere. Exemplum est in l. 22. de verb. obl. ubi si alter alteri res donaverit, quod aurum esse alter putabat, nulla dicitur donatio, ita tamen ut aris nomine teneatur donans, cum nullum exinde damnum sentiat. Sin autem sciens fecellerit donarium, ex dolo tenetur ad auri praestationem, *per Reg. II. d. l. 22. j. l. 18. in f. d. donat.* Idem dicendum, quando expresse ad evictionem se obligaverit, l. 2. C. d. evict.

Aliorum casuum in vita civili obvenientium, ex regulis suppeditatis, facillima erit decisio: Ita *Reg. II. dam confirmat l. 35. ff. d. pact.* statuens: Eum qui ex ignorantia fraudis ab altera parte commissi transegit aut renunciavit, isto pacto non teneri, v. g. Si haeredes in instrumento super divisione hereditatis confecto, juribus suis renunciaverint, ignorantes res quasdam hereditarias ab altero coharedum dolo esse subtractas.

Ita porro: si e. g. pro Auro Argentove, res aut plumbum per errorem quis emerit, nulla est emptio, l. 9. §. 2. ff. d. contr. emt. quoniam ex ipsis contrahentium verbis factisve apparet, consensus pactititii objectum, aurum fuisse &c. *per Reg. II.*

Si hæres creditori defuncti caverit, se debitum ex hæreditate soluturum, postea vero massam hæreditariam debito minore deprehendat, ultra vires ejus non tenetur, l. 31. ff. de cond. indeb. tacita enim subest conditio, si vires hæreditatis sufficiant, *per d. Reg. III.*

Si hæres, legis falcidiæ beneficii ignorans, integra solverit legata, repetitio cessat, l. f. §. f. ff. d. j. & f. ign. ipsum enim solutionis factum, tacitam hujus beneficii renunciationem involvit, ignorantia vero ipsi haud patrocinator, cum propria ejus culpa evenierit, neque falcidiæ jus, ad legatorum substantia pertineat; *per Reg. I.* secus dicendum si expressa conditione, ut si falcidia emerferit superfluum reddatur, solverit, l. 2. ff. d. cond. indeb.

Si pecuniam quam me tibi debere falso existimabam, jussu tuo sponderim ei cui donare volebas, postea vero me tibi nil debere appareat, exceptione doli mali tueri me potero, l. 2. §. 3. 4. ff. d. donat. tacita enim hac conditione, si vere debeam sponderi, *per Reg. III.*

Ita ex *d. Reg. III.* patet, l. 10. C. d. j. & f. ignor. quæ conditionem indebiti ex ignorantia juris soluti, competere negat, dum omnino limitationem pati, quando erronea solutionis causa, adeoque ipsius consensus obligatorii vitium, ex circumstantiis solutionem antecedentibus aut concomitantibus, certo aut probabiliter colligi potest. Unde si v. c. hæres ab intestato, alios cognatos, jure statuario istius loci haud succedentes, per ignorantiam istius juris in divisione hæreditatis admisit, salvam omnino habet conditionem, quia nimirum hæc conditio: si scil. leges jus succedendi tribuant cognatis, ut successionis norma a dividentibus expresse fuit supposita, vid. *Carpz. P. 3. C. 15. D. 42.*

Atque

Atque hæc regula ex Juris natural. & communibus rationis principiis deducta, omnium omnino casuum, ubi de ignorantia & erroris imputatione quaestio incidit, decidendorum constituunt normam, ni paucas personas, quarum ignorantia leges civil. ob præsumtum judicii aut prudentia defectum, ex ætate, educatione, & imperito vitæ genere oriundum, indulgentiam fecere, excipias: Pupillos scil. Minores, quandoque & Milites, Rusticos ac Fœminas, hac tamen distinctione, ut pupillis & minoribus in negotiis ignorantia juris gestis aut omissis & notabilem læsionem continentibus, ob singulare ætatis privilegium in l. 44. l. 7. §. 6. ff. & l. 8. C. de minor. ipsis concessum, indistincte restitutionis auxilio succurratur; hac ratione si minor filiosam. crediderit, subvenitur ei, ut non videatur filiosam. credidisse, l. 9. pr. ff. d. j. & f. ign. Reliquis vero personis talis ignorantia excusatio certis tantummodo casibus, imo & tunc non nisi deficiente Jurisperitorum copia & consulendi occasione, patrocinium præstat, per l. 9. §. 3. ff. eod. l. 10. d. bon. poss. l. 2. in f. quis ord. in poss. Cum autem nostris temporibus Jctorum copia ubivis locorum fere abundet, exiguum ignorantia usum, militibus, rusticis ac fœminis amplius superare deprehendes; Brunnem. ad l. 9. ff. d. J. & f. ign. n. 4. & ad l. 1. C. eod. n. 14. Ludovici Doctr. ff. d. T. §. 2. B. Menck. ad ff. e. T. §. 5. Dn. de Wernher Obs. for. 52. Nihilominus tamen in fœminarum intercessionibus, quarum validitas ex adjuncta privilegii SCri. Vellej. renunciatione pendet, specialem hujus explicationem & certiorationem, usualis DD. opinio & praxis requirit; hæc vero, an & in jurata hujus privilegii renunciatione necessaria sit, ita ut omissa certioratione tota fidejussio & renuntiatio jurata corruat? non conveniunt DD. & hanc quidem sententiam amplectuntur Mascard. de probat. Concl. 1080. no. 22. Carpz. P. 2. C. 16. n. 19. Zanger. de Except. P. 3. C. 11. n. 204. eamque certiorationem in foris Saxonis esse

esse de substantia fidejussionis muliebris etiam jurata ex Decis. El. 25. patet. Nihilominus ubi leges statutarie præter juramentum eandem expresse haud desiderant, ex verioribus principiis & jure Canonico contrariam omnino defendimus sententiam, cum Zæfio ad SCtum Vellej. Hering. de fidejussor. C. 7. n. 507. Gail. L. 2. Obs. 77. n. 10. Brunnem. ad l. f. ff. d. SCto Vellej. n. 17. Struv. Exercit. 21. th. 10. Schilt. Exercit. ad ff. 28. §. 9. Enimvero vix solida subesse videtur ratio, quamobrem foeminas ex contractibus suis non perinde ac viros firmiter teneri statuamus, præprimis cum curatorum aliorumque jurisperitorum adjutorio atque consiliis raro destituantur, adeo ut hocce beneficium Romanorum subtilitates nimis redolens, ut supervacuum nostrisque moribus haud conforme, rectius eliminandum esse plures perspexerint, vid. Thomaf. Dissert. de exiguo usu SCti Vellej. Titius Obs. Lauterb. 444. & 445. Dn. D. Freisleben in Introd. jurisprud. civil. L. 1. C. 1. §. 14. Existente igitur, hoc casu, naturali ac perfecta ad servandam fidejussionem obligatione, quam quidem ad juramenti efficaciam sufficere, §. 5to. satis demonstratum dedimus, nil superest dubii, quin foeminam etiam non facta hujus beneficii explicatione, ad renunciationis ac fidei juratae observantiam omnino teneri censeamus, cf. C. 9. X. de jurej. Unde & Cautela quam Stryckius dissentiens in Ul. mod. ff. ad SCtum Vellej. §. 23. suppetidar, mulieri scil. solutionem, obtentu certiorationis ommissa de re tractanti, malitiae juramentum esse deferendum, sere abundans videtur, cum extra Saxoniam vel sola jurisjurandi a foemina intercedente facta interpositio, ad tollendum privilegii Vellejani usum, prouti ex dictis patet, sufficiat. Reliquis quæ forte de pupillorum, minorum, mulierumve renunciationibus adhuc commemoranda forent, superfedemus; quæ enim circa harum personarum passionem & contractus regulariter attendenda sunt requisita solennitatesve, eadem & hic ob negotii paritatem

tatem adhibenda veniunt, quæ in singulis fere jurium Systematibus uberius jam pertracta leguntur. vid. Stryckii Tr. de Caut. Contr. S. 1. C. 2. per tot. B. Menck. ad ff d. Pact. §. 12. de foeminis Saxonice speciatim, Const. El. 15. P. 2. Dec. nov. 24. & Mand. Reg. d. d. 18. Nov. 1722. Ord. Proc. Rec. sub No. 12. annexum.

§. IX.

Hæc de primo validæ renunciationis requisito. Jam p. §. 7. Ido requiritur, ut jus aut beneficium pro solo renunciante sit introductum, & tertii alicujus, simul haud consentientis, favorem non concernat. Jus enim tertii per alterius pactum lædi, nullo jure permiffum, l. 27. §. 4. ff. d. pact. & quod ex lege alicui datum est lucrum, privatus auferre non potest; Nov. 22. C. 33. Imo & principum, quæ subditis quandoque indulgent, concessionibus, tacita semper inesse dicitur clausula: salvo jure tertii l. 2. §. 10. & 16. ff. ne quid in loc. publ. Fam ob causam lex 31. & l. fin. c. locat. milites a fidejussione nec non prædiorum conductionibus prohibere constituit, ne scil. ab armis pro republica gestandis avocentur, & vicinis graves existant; Unde & isti privilegio, in reipublica romana, bellis eo tempore plurimum turbata, favorem constituto, valide haud renunciabatur. vid. Hopp. Comm. ad Inst. §. 14. d. Excusat. Tutor. & pr. J. d. fidejuss. Hodiernis autem moribus, & fidejussiones, & conductiones, & emtiones, & quosvis alios contractus valide ineunt milites, communi totius Germaniæ usu probante. Grœnwegen de leg. abrogat. ad d. l. 31. C. Beyer ad ff. locat. pos. 19. Not. a. Cum enim tanta armorum impedimenta, quæ Romani inde forsitan sentiebant, nostris temporibus non amplius observentur, atque damna reipublicæ, ex militum contractibus venientia, ea jam non sint, quæ in statu bellicofo reipublicæ romanæ erant; inde nec militibus nostris, communem paciscendi ac contrahendi libertatem, hodie quisquam in
G dubium

dubium amplius vocabit. jg. Ludovici Doctr. ff. d. fidejuss. §. 4. Alia ratio est introducti & perpetuum valituri SCti Macedoniani, cujus beneficio, ne jurato quidem renunciare poterunt filii familias, quippe quod non in filii tantum, sed patris maxime favorem introductum est. Struv. Exerc. J. C. 20. Th. 55. & Exerc. 17. th. 23. Brunnem. ad l. f. C. d. SCto maced. n. 7. Accedit, pecuniam filios famil. conceditam, vel ad malum finem, ut puta luxum, vel ad finem bonum ac veram ejus utilitatem datam esse atque expensam; priori casu & renunciatio & jusjurandum, morum corruptioni animum prabens, vinculum foret iniquitatis; Stryck. Ul. mod. ff. d. SCto. Maced. §. fin. cf. Mand. Reg. d. a. 1718. wegen derer Studiosorum Wetzfel. Brieffe 10. posteriori vero, & filius & pater etiam non facta renuntiatione ad solutionem sunt obligati, l. 7. §. 13. ff. l. 5. C. ad SCr. Maced. hinc utroque casu supervacua erit censenda renunciatio. Quod si vero filius a patria potestate postmodum liberatus, proprium nanciscatur patrimonium, aut pater e vivis decedat, an non tunc ob juratam SCti renuntiationem, ad debiti antea contracti exsolutionem, naturaliter minimum obligatus erit? omnino arbitror; ratio enim dispositionis commemorata, prajudicium nempe patris, cessat, legesque filium familias bonam fidem agnoscere, mutuoque accepta reddere nuspiam vetant, l. 7. §. f. & l. 9. §. 4. d. T. ita ut hoc casu debitam creditori satisfactionem, illius conscientia denegare vix queat. Brunnem. ad l. 10. ff. n. 3. & l. 11. n. 7. d. T. Stryck. c. l. §. 12. Beyer ad ff. d. SCto, maced. in princ.

Eum qui aliquam bonorum partem alteri donavit, simulque l. 8. C. d. revoc. donat. renunciavit, ad servandum hujus beneficii in sui favorem constituti, remissionem obstrictum esse constat; Carpz. P. 2. C. 12 Def. 33. Stryck. d. Caut. Contr. S. 3. C. 9. §. 7. nisi legitima liberorum supervenientium portio exinde minuatur; tunc enim pro parte legitima iterum revocari

cari potest donatio, non vero, ut quidem sentiunt, in totum, atque ita revocationi donationis ob supevernientiam liberorum, renunciare potest donator, non vero revocationi donationis inofficiosa, l. 1. C. d. donat. inof. Nov. 92. Beyer ad ff. d. donat. pos. 13. sqq.

§. X.

Foro etiam competenti quandoque renunciare solent contrahentes aut litigantes, de cujus renuntiationis, quæ & voluntaria jurisdictionis prorogatio audit, validitate & effectu non una est DD. sententia. Varias eorundem opiniones recenset Dn. D. Kemmerich in Diff. de Prorogat. jurisdic. Vitteb. 1727. hab. §. 19. interim nec ipsius sententia §. 20. subjuncta, rei satis incertæ enodandæ ac definiendæ, sufficere videtur. E primis itaque suis principiis repetenda erit difficillimæ hujus materiæ demonstratio. Romanorum certe legibus, cuilibet foro suo renunciandi & judicem alienum citra competentis consensum, in cognoscenda & decidenda causa eligendi licentia dabatur l. 1. & 2. ff. d. judic. l. 1. d. jurisd. l. 29. C. d. pact. Insigni enim populus & imperii romani subditi hac in re gaudebant libertate, eorumque arbitrio unice erat commissum, cui nam judici causæ suæ tractationem atque judicium demandare vellent, cf. Vultej. d. Jurisd. p. 78. Quemadmodum vero hæc licentia effectus erat democraticæ & concurrentis populi romani in ferendis legibus reque publica gubernanda potestatis, quam ante imperatores, quin & sub imperatoribus ad Hadriani fere tempora tenuisse constat, cujusque reliquias in variis jurium speciebus v. g. in absoluta patris in familiam, filios atque servos potestate, singulari & arrogantissima civis romani præ peregrinis prærogativa, &c. in systema LL. a Justiniano collectarum, hinc ibi relatas legimus; ita nostris moribus, ubi alia plane imperii, jurisdictionis & judiciorum in Germania est forma facièsque, ubi scil. non Aristocratico-democratico, sed

Monarchico magis regimur statu, neque amplius cognitio, decisio & executio causarum separatæ ac diversis magistratibus, sed unius regulariter arbitrio ac moderamini sint demandatæ, ipsa quoque jurisdictio maximam partem hodie sit patrimonialis & hæreditaria, & in favorem magis ac utilitatem collegii aut certæ personæ quæ magistratus munere fungitur, sit concessa, ita scilicet mutata plane jurisditionis facie, subditorum quoque libertas in eligendo iudice, non parum videtur restricta. Postquam enim, introducto scilicet monarchico statu, populique auctoritate in condendis legibus extincta, summi rerum publicæ Imperantes quos penes omnimoda iurisdicendi potestas est, eandem potestatem, iustitiæ tanto rectius feliciusque administrandæ, aliis iterum dexteritate probatis personis aut collegiis indulgit, his autem pro diversitate causarum pariter atque districtum certas personarum universitates continentium, suas præfinivit atque constituit limites, quos intra suam exercerent iurisdicendi potestatem; tum liquido pater, neque subditis nec magistratibus integrum esse, ordinem hunc publicæ imperantis auctoritate ita constitutum turbare pro lubitu atque confundere. Inanis hinc erit actio coram iudice alieno, nec ratione personæ nec bonorum rei competente instituta, utpote cui nulla competit facultas, alienæ jurisditionis subditum, ex foro suo ordinario evocandi, aut condemnatum remediis coactivis coercendi, hoc enim esset turbatio ac violatio juris ac privilegii iudici ordinario solum competentis, adeoque spe executionis cessante, frustra inanis processus institueretur. Neque iudex competens, hoc casu ad sistendum reum aut iudicata exsequenda cogi potest, cum ei soli jus cognoscendi, iudicandi & executionem peragendi in causis subditorum suorum, principis beneficio competat, quod solo subditorum tanquam privatorum arbitrio, in alium iudicem transferri neutiquam potest. Talis igitur renunciatio, ut Germanorum statui pariter

ter ac indubitato legum praecepto, quod alterius jura ulla pactione laedi vetat, contraria, & absque judicis ordinarii consensu merito inanis erit dicenda. Hujus sententiae aequitatem ipsi pontifices secuti, jam dudum statuere: Clericos, sine episcopi proprii consensu, nec in alium judicem ecclesiasticum consentire posse, per C. 1. & 18. X. d. for. comp. Cap. 1. eod. in 6to. Quicquid igitur dissentiant Stryck. in Usu mod. ff. d. Jurisd. §. 22. Schœpfferus, Bayerus ad ff. d. T. aliique, horum tamen sententia unice ex legibus Romanorum, eorundem statui adaptatis, petita est, neutiquam vero ad nostri imperii atque judiciorum ordinem atque constitutionem quadrat. Certe quoad Saxoniam nostram plures extant prohibitiones, ne magistratus magistratum in jurisdictione sibi competente, ullo modo turbet, actusque jurisdictionales in subditos alterius judicis exerceat. Ita magistratus etiam si ratione causae sit competens nihilominus citationes, mediante judicis quoad personam rei competentis requisitione emittere tenetur, vid. Neu-Erl. d. Landes-Gebl. d. a. 1661. von Consistorial-Sachen, §. 11. O. P. S. Rec. T. 1. §. 9. Superiora quoque judicia, Commissionum dationes, avocationes causarum, Commissariorum adjunctiones, non nisi causa legitima urgente, adhibitaque aliquali ejus cognitione, suscipere jubentur, addita expressa ratione: Damit niemand an seiner habenden Gerichtsbarkeit oder Ungebühren beeinträchtigt werde &c. O. P. S. R. c. 1. Quenadmodum igitur haec omnia sufficienter docent, hodiernam jurisdictionem esse jus in favorem non modo subditorum sed vel maxime etiam magistratuum introductum, ita ex valida renunciationis requisito altero §. 9. praemisso, facile colligitur, jus fori competentis, nostris temporibus non amplius simpliciter esse renunciabile.

Videamus igitur casus, ubi ex natura renunciationis valida, fori quoque renunciatio sortitur effectum. Prout scilicet

omnis renunciatio juris, non solius renunciantis sed & tertiū alicujus favorem ac usum respicientis, validitatem nanciscitur, quando tertius ille, consentiendo aut ratihabendo renunciari factum comprobat, ita & fori renunciatio suum pariter producit effectum, cum iudex ordinarius & competens expresse aut tacite consentiat. Istud contingere potest, quando e. c. Instrumentum contractus a partibus sibi oblatum & fori prorogationem continens, judiciali consensu firmat; hoc, si citationes subsidiales a iudice prorogato transmissas, partibus coram hoc iudice litigantibus, sponte insinuaverit.

Porro & eo casu valorem habebit hæc renunciatio, quando reus coram incompetente semel comparuerit, ibique omnia fori declinatoria exceptione, litem fuerit contestatus; ista enim ante litem contestationem non opposita, amplius haud attenditur, l. 12. & 13. C. de except. O. P. S. V. & Rec. T. 9. §. 1. hæc vero ubi cœpta ibi & finienda est. l. 30. ff. d. Judic. Cum enim partes consentientes, vel privatum quendam, nullo magistratus munere fungentem, causæ suæ arbitrum & decisorem eligere queant, haud dubium erit, eos multo magis iudicem publica autoritate constitutum hac ratione adire, ipsique cognitionem ac decisionem causæ committere posse, adhibitis tamen hisce limitationibus: 1) ut iudex hic arbitrarius, illam in specie jurisdictionis habeat, quæ in causa prorogata requiritur. Brunnem. ad l. 1. ff. d. Judic. n. 3. & ad l. 18. ff. d. Jurisd. n. 2. cum aliarum causarum cognitionem atque iurisdicundi facultatem, quam a principe concessam, arrogare sibi nequeat; hinc ridiculum foret, si duo mercatores Lipsi. in causâ quadam mercantili dissidentes, Consistorii Lipsi. cognitionem & arbitrium eligere vellent. Ista restrictio est ut iudex iste prorogatus, terminos & potestatem arbitri ordinariam haud excedat, adeoque ab omnibus mediis violentis & compulsivis in personam sibi non subjectam, v. g. citatione reali, incarcerationione, actibus executo-

riali-

torialibus propria autoritate & absque competentis requisitione peragendis, abstinere. Competens autem iudex suum hoc casu denegare haud potest auxilium, & si denegare velit, impetrato superioris mandato ad id præstandum adigi poterit.

Interea negandum non est, difficultates & protelationes, quas iudex ordinarius in sistendo & mulctando contumace, it. executione peragenda,nectere potest, rarissimum facere casum voluntariæ fori prorogationis, monente Carpz. in Proc. T. II. a. 1. n. 18. j. Titius ad Lautb. Obl. 134. nec facile in pragmaticis commentationibus reperies casum prorogatae solo partium consensu jurisdictionis. Non potest sane ordinarius iudex, eundem procedendi ordinem servans, in sui contentum non referre, quando sibi subiecti, magistratus alieni utuntur iudicio, quasi iste non eadem dexteritate iustitiæ administrationem ipsis habiturus sit atque hic.

Forum quod quis ex contractu aut solutione destinata nanciscitur, ordinarium potius ac necessarium, quam prorogatum & voluntarium est, vid. B. Thomaf. ad ff. T. de Jurisd. p. 43. Siquidem publicæ utilitatis causa utroque jure constitutum legitur, debitorem in loco contractus aut destinatae solutionis præsentem, ejusdem judicis jurisdictioni esse debere obnoxium; ex qua singulari, utilissima, nostroeque rerum publicarum statui haud repugnante Dispositione, generalis licentia publicum jurisdictionum ordinem privata quavis pactione turbandi ac confundendi, neutiquam poterit deduci atque tueri. j. Struv. S. J. C. Ex. IV. Th. 59.

Forum autem contractus dicitur, in quo contractus consummatus, aut scriptura desuper fuit confecta, l. 19. §. 2. ff. d. Judic. l. 17. C. d. fid. instr. nisi solutio in alium locum fuerit destinata, tum enim eo in loco contraxisse unusquisque intelligitur. l. 21. ff. d. Obl. & Act. In tali igitur foro reus præsens conveniri potest, etiamsi domicilium ibidem non habeat, C. 1. §. contra-

hentes.

hentes. de for. compet. in 6to. Hocce destinata solutionis forum dividi potest in *speciale*, quando solutio certo & speciali loco facienda, v.g. Lipsiz, & *generale*, quando ubivis locorum, v.g. aller Orten wo der Debitor anzutreffen, promissa est cf. D. Grandens Inst. jur. cambial. Lib. 2. S. 7. Tit. 2. §. 2. Ad- eoque magistratus Saxonici, adversus debitores cambiales tali loco degehenlos, ad creditorum instantiam recte procedere queunt, ita ut nec opus sit speciali ad arrestum rescripto; ita enim Ord. Proc. S. rec. in App. §. 12. disponit: Daß einer je- den Obrigkeit, wo die Debitores ihr forum haben, oder NB. sonst nach Beschaffenheit der Umstände aus dem Wechsel- Briefe bilanget werden können (quod scil. fieri potest in loco ubi cambium contractum, aut solutio promissa est) auch ohne vorher extrahirtes Wechsel-Rescript, dergestalt zu verfahren frey stehen solle &c.

Quemadmodum vero Judices inferiores, Schriftfahssios & superiorum ordinum personas, citra specialem principis concessionem, in causis civilibus ad sua fora trahere nequeunt; ita nec in cambialibus adversus eos procedere queunt, sed re- scripto arrestatorio a regimine Dresdensi, aut Curijs supremis tanquam illorum competentibus, impetrato opus est, vid. Dn. D. Siegel Tr. de Cautel. camb. C. 4. §. 20. Nihilofecius tamen Prz- fecto regio, una cum Senatu ampliff. Liphsensi, rescriptum ar- restatorium generale d. a. 1718. clementissime datum est, vi cujus etiam Schriftfahssios, Lipsiam nundinarum tempore adeuntes, citra peculiare rescriptum, arresto cambiali derinere possunt; cujus verba exhibet Dn. D. Dicelius in Diff. d. Camb. trassat. §. 59. Adversus eos autem Schriftfahssios, qui extra nundinas accedunt, aut in ipsa civitate Lipf. domicilium suum habent, sine dubio non nisi Curia provincialis suprema, arrestum cam- biale decernere potest: Cum verba istius rescripti specialis, ul- tra expressam ejus rationem, nimirum fiat extendenda. Milites quoque

quoque ob fori privilegium omni jure ipsis concessum, in causis quibusve personalibus, necessario coram regimine suo militari conveniendi sunt, adeoque vix crediderim, adversus eos in officio adhuc constitutos, (honeste enim dimissi, & quidem Officiarii superiores Mand. reg. d. a. 1722. vi commissionis generalis, ad Præfectorum cognitiones pertinent vid. Dn. D. Krausii Tr. Syn. Proc. Sax. L. 2. C. 9. §. 6. & 7.) ab aliis magistratibus, absque speciali rescripto, cambiale arrestum posse decerni jg. B. Menck. ad ff. d. Judic. §. 45. In genere hic notandum quod præter Vassallos, Schrifftfässii sint uel dignitarii, ut Consiliarii, principisque ministri ordinis superioris, etiam titulares; vel tantummodo Officiales, qui tantum officii alicujus administrationem absque peculiari dignitatis caractere habent, v. g. Præfecti, Amts-Schössere, Forst-Meister &c. Hi deposito l. adempto officio, magistratui loci subijciuntur, ubi deinceps commorantur; Illi vero forum privilegiatum perpetuo retinent, prouti quotidiana Observantia testis est. Cæterum sola nobilitas in Saxonia haud videtur efficere conditionem Schrifftfässicam, siquidem solis nobilibus absque muneris, aut feudi Schrifftfässici possessione aut investitura simultanea, consideratis, nullibi forum privilegiatum tribuitur, isti potius coram præfecto aut magistratu loci, ubi domicilium habent, conveniendi sunt. vid. Sächs. Ober-Hoff-Gerichts-Ordn. in Leipz. Tit. wer vor das Ober-Hoff-Gericht mag geladen werden.

In genere quoque existimaverim, debitores extraneos, in foro contractus aut destinatae solut. deprehensos, coram eo tantum judice istius loci esse conveniendos, quem agnoscere deberent, si in eo loco domicilium haberent; quando v. g. extranei cujusdam principis minister, aut Schrifftfässius, ad Lipsensis Curiae circulos haud pertinens, contractum Lipsiae celebravit, aut solutionem ibidem faciendam promisit, in hac civitate deprehensus, a debitore non coram Senatu aut Præfecto, sed Curia potius provinciali conveniendus erit, ne & hoc casu Schrifftfässiorum jura lædantur. Cæterum quoad Debitores peregrinos & alios reipubl. subditos, ex Obf. B. Titii ad Lautb Obf. 153. hoc præcipue considerandum, an in ea regione & provincia ubi ex contractu actionem

nem instituere vult creditor, immobilia aliave habeant bona, ne forte objecto & spe executionis, cessante, inanis & frustranea evadat actio.

§. XI.

Neque silentio prætereunda acris illa DD. disceptio: an scil. Debitori obærato & solvendo haud existenti, hæreditatis sibi delatæ aut deferendæ, repudiandi renunciandive licentia, in noxam Creditorum sit concedenda? In tres potissimum partes discedunt interpretes Collegiaque juridica; sunt qui hæreditatis s. delatæ, s. speratæ renuntiationem indistincte admittunt; sunt alii qui hanc indulgentiam, ad hæreditatem saltem deferendam restringunt, ad delatam vero minime producendam esse statuunt; sunt denique quibus nec speratæ, nec delatæ hæreditatis renunciatio, debitori nominibus obruto, indulgenda videtur. Prior sententia innititur verbis dispositivis famosæ leg. 6. pr. & § sqq. ff. quæ in fraudem creditor. Altera ex observantia ac usu practico JGtorum Saxon. pendet. Ultimam vero æquitas juvat. Equidem altera, priori longe præferenda, ob æquiores causam, qua huic præpollet, est sequiorem sententiam æquitate non superat; Manifestum enim creditores fraudandi consilium, non modo in hæreditatis delatæ repudiatione cernitur, cum nil intersit, si ve debitor bonorum partem directo alienet, si ve lucrum sibi delatum, cujus acquisitio a solo ejus arbitrio pendet, repudiando perdat; verum etiam hæreditatis deferendæ renunciatio, non omnem fraudis reatum excludit, uti ex consequentibus patebit; hinc quod ad differentiam, delatam inter ac deferendam hæreditatem hucusque communiter receptam, in ea distinguendi fundamentum merito desiderari potest. Proinde tutius, pariter ac summis legum præceptis magis conforme erit, nullum inter delatæ ac speratæ hæreditatis repudiationem renunciationemve admittere discrimen, legem citatam 6. vero, ut æquitati, & legum patriarum argumentis repugnantem, minus attendere. Legis sententia hæc est: Debitor obærat, qui non acquirit, fraudis expers censetur; Æquitas vero ac ratio sic statuit; Quicun-

quo

que debitor sciens bona sua ad satisfaciendum creditoribus non esse suffectura, media ad satisfaciendum idonea studio negligit, a fraudis suspitione non est immunis; atqui dolosus decoctor, hæreditatem deferendam aut delatam repudiens, tale medium respuit, ergo consilii fraudulentum vel maxime se reddit suspectum. Idque ex duplici causa, primo enim a salienum fraudandi animo conflavit, postea mediis ad solvendum aptis renunciat, & eo ipso dum lucrum, quod Creditorum satisfactioni inservire posset, avertit impostor, iteratam Creditoribus læsionem molitur. Certe si debitorem qui acquirenda repudat, a fraudandi animo immunem dicere velis, talem supponas necesse est, qui eo tempore quo juribus acquirendi renunciat, fraudem in Creditores nondum admisit, atque tot tantisque nondum obrutus est nominibus, quibus solvendi est impar; Cum vero semel damnosus creditoribus fuerit debitor atque malus, tum quoque talis præsumitur, cum in eodem genere delicti, novo scilicet damno iis infligendo versetur. Sane decoctor dolosus, & fur, imprimis juxta Mand. Reg. adversus Bancorruptores §. 12. v. fânde sich aber ic. pari passu censentur; prouti igitur fur, etiamsi res ablata casu perierit, semper in mora esse dicitur; ita decoctor, semper est in reatu fraudis, sive de bonis quicquam diminuit, sive aliquid non acquirat, seu bona futura ex quibus damnum dolo datum resciri posset in antecessum sponte repudiet. arg. l. f. ff. de Condict. furt. Nec quicquam movet communis illa ac putativa, delatam inter ac speratam hæreditatem differentia, ejusque vulgo ablata ratio: hæreditatem nimirum deferendam ab incerto eventu pendere, delatam vero jus certum ac præsens constituere, unde illius renunciationem facilius concedendam esse statuunt. Verum enim vero, quilibet perspicit, hancce distinctionem haud tollere læsionem ac dolum renunciantis, sufficit jamjam existere jus succedendi & acquirendi conditionale; sufficit existere posse casum futuræ delationis atque successionis: quo jure retento, creditoribus aliquando satisfieri poterat; sufficit ipsis creditoribus, maxime hypothecariis, vi moti concursus, quævis debitoris bona, præsentia æque ac futura,

jura tam perfecte quam imperfecte quaesita obligata esse, arg. O. P. S. V. Tit. 51. §. 8. & Tit. 48. §. 1. sufficit denique & leges & aequitatem creditoribus deceptione laesis potius, quam debitori dolo ac decipienti favere; indeque evenit, Summum provocat. Tribunal, quod Dresdae est, hanc ipsam sententiam, ut acquisitam in Concurſu Creditorum George Wagners in Chemniz x. Mens. Febr. 1724. iterumque in Concurſ. Cred. Gottfried Wincklers in Leipzig pronunciando secutum esse Mens. Mart. 1726. eamve, interposita Leuterat, postea confirmasse. - Indubitati ceterum juri est, fiscum si inter creditores concurrat, etiam ea quae a debitore non acquisita aut repudiata sunt, revocare posse. p. l. 45. ff. d. jur. fisc. ubi expressa hujus dispositionis ratio, quo scil. omnis debitoris fraus puniatur, tanquam generalis, ea quae hucusque dicta sunt, satis confirmat.

§. XII.

Progredimur denique ad III. renunciationis requisitum, quo scil. ista legibus omnino conformis esse, hinc citra fraudem legis prohibitive fieri debet. §. 7. Quaecunque igitur renunciatio legibus prohibitis adversatur, adeoque si effectum sortiretur, mali facinoris causa foret, nullo valore erit dignanda. Lex autem hic attendenda venit tum naturalis, tum civilis, ita ut ex illius statim praecipis, renunciatio bonis moribus contraria, quae scil. turpem continet causam, aut contra decus ac honestatem publicam est concepta, maxime cum delinquendi occasione praebear, prohibita ac invalida censeatur, l. 27. §. 4. ff. l. 6. & l. f. C. d. pact. quo & pertinent ea facta, quae licet non directe, per consequentiam tamen, & secutura facile aliorum imitatione, Reipubl. detrimentum gignere solent. Quaedam enim prohibentur, quia per se mala sunt, ut furtum, adulterium &c. quaedam vero ex causa, non quia per se mala sunt, sed quia si fiant frequenter & multum, ex his mala sequuntur: sunt verba Cap. 26. X. d. jurej. Atque huc refert. l. 15. ff. de condit. instit. omnia facta quae laedunt pietatem, existimationem, verecundiam nostram, & in genere contra bonos mores fiunt, ea enim nec facere nos posse credendum. Ita valore destituitur renunciatio legis Commissoriae, l. f. C. d. pact. pign.

pign. it. usurariae pravitatis & anstocismi exceptionis, vid. Carpz. qu. Crim. 92. n. 44. Brunnem. ad l. 26. ff. d. Cond. indeb. Sic nulla pactio effici potest, ne dolus futurus praestetur; l. 27. §. 3. d. pact. l. 1. §. 7. depol. l. 23. ff. d. R. I. alia exempla suppeditant l. 9. ff. d. Condit. insti. l. 5. §. 1. d. pact. dotal. l. 26. & 27. d. V. O. l. 35. §. 1. eod. l. 14. §. 1. ff. sol. matr. C. 25. v. illud, autem X. d. ju. rej. Caul. 22. qu. 4. Dolo autem praeterito, cujus notitiam habet laesus, volens non prohibetur renunciare, d. l. 27. §. 4. ff. d. pact. Stryck. C. C. S. 1. C. 4. §. 10. Servanda quoque ejusmodi renunciatio, si uterque contrahentium in pari versetur turpitudine, ubi id quod hoc modo alteri remissum aut donatum est, repeti nequit, licet tale promissum, nondum exsolutum, jure exigi haud possit; p. l. 3. 4. & 8. ff. d. cond. ob turpem l. inj. canf. Ita v. c. stuprata quae ante coitum stupratori dotationem. postea sibi faciendam expresse remisit, eam deinde sub renunciationis contra bonos mores factae praetextu, rursus petere vix poterit, cum turpitudinem, quam in se probavit, in illo improbare nequeat, adeoque id, quod correo turpitudinis vere jam donavit, neutiquam exigere possit, d. ll. j. l. 47. ff. sol. matr. Dissent. equidem hoc in casu illustr. Du. de Berger in Oec. Jur. p. 825. in fin. ubi, nihil obstante tali pacto, stupratori dotationem incumbere, adstruit, addita hac unica ratione, quoniam ejusmodi pactum ex impetu amoris initum censetur. Sed posito, impetum amoris huic pacto ansam dedisse, qua ratione talis impetus tanquam illicitus & reprobatus, stupratae patrocinari poterit? cum potius constet, quod affectionis gratia, neque honestae neque inhonestae donationes sint prohibita; l. 5. ff. d. donat. accedit quod obligatio ad dotandum, interesse privatum ac commodum stupratae tantum concernat, atque in compensationem injuriae per stuprum ipsi illatae, stupratori incumbat, Cz. quast. 68. n. 87. & 88. Titius in Spec. Jur. Eccl. L. 4. C. 5. §. 10. Beyersted l. d. publ. lud. pos. 41. Not. y. quid igitur obstat, quo minus stuprata, huic dotationis lucro, in suae solius favorem introducto, valide renunciare possit? Ceterum renunciatio bonis moribus & legis prohibitive sanctionibus contraria, nec juramento confirmata valet, sed

sine perjurii periculo, ab ea recedere licet, C. 58. d. R. I. in 6to
Caus. 22. qu. 4. c. 8. Nov. 51. pr. ita enim imperator Justinianus
in d. Nov. *hujusmodi*, inquit, *transgressiones*, *magis placent*
deo, quam jurisjurandi observationes; non enim, si quis ab ali-
quo *jusjurandum acceperit: quia occidat forsitan, aut adulte-*
rabitur, aut aliquid aget tale illicitum: oportet servare jusu-
randum, utpote cum sit ita turpe, & illicitum & ad perditio-
nem ducent.

§. XIII.

Pacta hæreditatis renunciativa, quæ super hæreditate omit-
tenda ineuntur, Jure civil, reprobata ac invalida esse, ex l. f.
ff. d. Suis & legit. hæ. constat, sive de propria pacifcen-
tium, sive de tertii alicujus hæreditate repudianda agatur, l.
15. & l. f. C. d. pact. Speciatim vero quod ad hæc, ea, nisi
tertius ille consensum suum præbeat, in eoque persistat, aut
plane incertus atque innominatus sit, neque hodiernis mori-
bus alicujus momenti esse a plerisque censentur, Beyer ad
J. d. Testam. ord. pos. 6, Stryck, d. 3. ab. J. Diff. 8. c. 2.
§. 7. sqq. Ratio enim legis, quod ejusmodi pactiones, captandæ
mortis votum contineant, tristissimique ac periculosi eventus
sint, hinc bonis moribus contrariæ videantur, æquitatis spe-
ciem haud exiguam præ se ferre creditur, Carpz. 2. C. 35. D.
17. n. 8. ill. de Berger in Occ. Jur. p. 482. Not. 1. At enim ve-
ro, quod captandæ mortis votum attinet, istud sane non ipsi
semper pacto necessario inest, sed ex vitio saltem accidentali
pacifcentium proficiscitur, quin & tertio licet consentiente, eo
magis adesse potest, quo certior hæreditatis captandæ spes ad-
est; accedit quod tertio ad consentiendum haud requisito, vix
quicquam præjudicii inde contingat, quippe qui liberam bo-
norum suorum retinet dispositionem, imo tristes illi & pericu-
losi eventus qui ideo metuuntur, cujunque etiam testatori &
mortis causa Donatori, quando hæres, fideicommissarius, lega-
tarius aut donatarius, lucrum sibi exiturum fuerit compertus,
imminere possunt, quis vero ejusmodi donationes aut testamen-
ta eam ob causam invalida pronuntiabit? Nulla igitur moralis
tur-

turpitudò, nihil rationi naturali adversum hic reperitur, unde nec dubium, quin consuetudine probata, hujuscemodi pactis, efficacia ac virtus sua merito sit relinquenda; Stryck. d. S. a. J. Diff. 8. C. 12. §. 36. sqq. & in Ul. mod. ff. d. pact. §. 15. imò si juramentum forte accefferit, tale pactum, salva conscientia a renunciante deferri vix possit, Stryck. d. C. C. S. 1. c. 3. §. 27. Brunneum. ad l. f. C. d. pact. n. 16. sqq. Illa itidem pacta super alterius paciscentium futura & nondum delata hæreditate (delatæ enim renunciatio, quæ proprie repudiatio dicitur, etiam sine juramento subsistit, p. l. 95. ff. d. acquir. hærr. Stryck. de S. a. J. Diff. 8. C. 10. §. 54.) omittenda ineuntur, si juramento sint firmata, ex jur. Canonici, scil. C. 2. d. pact. in 6to, dispositione, & hodiè valida rataque habentur, Carpz. P. 2. C. 35. D. 6. n. 4. Civilis enim legis prohibitionem si spectes, non alia quam hæc subesse videtur ratio: quod scil. hæreditatis consequendæ modi, non nisi lex & testamentum ibidem sint constituti, Cz. c. l. Def. 17. n. 3. Struv. Exerc. 6. th. 44. unde & in ipsa lege final. ff. d. suis & legit. hærr. dicitur: privatorum cautionem legum auctoritate non censi. Quæ tamen ratio, cum Romanorum subtilitatibus sit propria, hodiernis moribus, quæ naturalem magis simplicitatem sequuntur, merito reprobatur, unde & juris Canon. dispositionem hoc in casu sequimur, imò in multis provinciis etiam injuratum renunciationem valere testantur, Mev. p. 3. Decif. 270. Lyncker. Dec. 1414. Dn. de Wernher in Suppl. ad Obs. for. Part. 2. Obs. 430. Sane ad Saxonum leges quod attinet, ibi simplex tantum renunciatio coram judice aut testibus facta subsistit, Land. R. L. 1. art. 13. huic tamen dispositioni postea per C. El. 35. P. 2. qua filiam paternæ hæreditati renunciantem, derogatum fuit, in qua ut juramentum accedat, necesse est. Quamvis autem in d. Const. saltem filiæ renunciantis mentionem fecerit Llator, adeoque ipsius voluntatem ad reliquas etiam sceminas generaliter extendere, juris rationi vix congruum videatur, Dn. de Berger in Oec. J. p. 485. Not. 5. Communis tamen DD. opinio, usulem & extensivam sequitur interpretationem, ita ut tutius omnino sit, in sceminarum hujuscemodi renunciationibus,

nibus, indistincte jusjurandum adhiberi, Carpz. P. 2. C. 35. D. 7. Stryck. in C. C. S. 3. C. 3. §. 12. Dn. de Berger. c. 1.

§. XIV.

Efficacia porto destituitur Jure civili Cessionis bonorum renunciatio, ubi detentio debitorum in carcere & servitute, quam hujus beneficii introductio per l. 1. C. qui bon. ced. avertit, erat prohibita, l. 8. C. d. T. l. 12. C. d. Obl. & Act. ibique Gothofred. Not. a. Jure tamen Saxon. usuque multorum locorum, ubi ad carcerem obligatio valet, imo ipsa in debitorem, solvendo haud existentem, incarceration statuta est, validam plerique dicunt hanc renunciationem, Stryck. d. C. C. S. 2. c. 1. §. 39. Schilter Exercit. ad ff. 46. th. 6. B. Menck. ad ff. T. de Cess. bon. §. 3. cf. C. El. Sax. 21. & 22. P. 2. Quoad terras in specie Saxonicas, imminente aut suborto Creditorum Concurſu, debitoris obarati incarceration, tum demum locum invenit, quando spatium securitatis, Mandato reg. electoral. de Bancorupt. §. 4. concessum, elapsum & amicabile composio inter creditores tentata, frustranea extitit, Competentiae quoque beneficio, huic affini, tam Saxonico quam civili Jure, ob generalitatem l. 29. C. d. pact. valide renunciari posse non dubitandum, nisi alicui ob reverentiam aut sanguinis nexum, ut patri, marito &c. datum sit, l. 14. §. 1. ff. fol. matr. ibi enim talis renuntiatio bonis moribus contraria dicitur, unde ad alias personas, ut socium, donatorem &c. haec prohibitio extendi nequit. Carpz. P. 1. C. 32. D. 19. Stryck. in Diss. de jure Reverent. ejusque effectu Spec. 3. n. 2. Barth. in Hodog. For. Cap. 3. §. 28. not. a. Id praeterea monendum, beneficii competentiae renunciationem licet ab initio validam, ex postfacto tamen, orto scil. Creditorum ad renunciantis bona concursu, suum perdere valorem, eo quod ex particulari negotio, judicium & causa universalis nunc facta, ubi non singulorum, sed totius Creditorum universalitatis jura & commoda considerantur, a l. 7. §. 1. ff. quod cui. univ. noe. adeo ut omnium creditorum utilitas, unius alteriusve particulari saltem lucro, omnino sit anteponenda. Atque huic prorsus funda-

fundamento innititur dispositio Saxonica §phi 4. des Bancoror-
tier- Mandats, ubi Potentissimus expresse statuit: incarcerationem
debitoris cambialis, arresto nondum detent, etiamsi huic
securitati in cambio renunciaverit, nihilominus per aliquod
temporis spatium suspendendam esse, eo magis, quo facilius
universi concursus emolumentum, hac levi indulgentia pro-
moveretur. Hoc igitur argumento, de communi Concursus
commodo, particulari unius lucro praefendendo, & illam de com-
petentiae beneficio sententiam stabilire licebit, cum utri-que in
casu rationis paritas deprehendatur, imo & pristinae hujus be-
neficii renuntiationi tacita haec inesse videatur conditio: si in
eodem statu & causa permanferit obligatio debitoris, per l. 38.
pr. ff. de Solut. quae tamen, uti dictum, concursu moto, aliam
longe induit naturam, antea enim solo cum debitore creditori
res erat, jam vero pluribus concurrentibus creditoribus, to-
tius quoque universitatis juribus sese ut accommodet, necesse
est; eamque hac de re sententiam pronunciando amplexam fuisse
Fac. Jur. Lips. M. April. 1726. testatur B. Menck. in ultimo
programme ad exercit. disputat. Gymnasii polem. conscripto,
quo dictas rationes pluribus exposuit, quibus addimus: quod
prouti debitoribus dolo culpave lapsis, hoc beneficium plane
negatur in O. P. S. R. Tit. final. §. 3. ita reliquis qui vitio for-
tunis ad incitas devenerunt, non attenta renuntiatione, ex
aequitate & misericordia istud merito sit relinquendum. c. l.

§. XV.

Cum renuntiatio, ut actus moralis, legibus undique con-
firmis fieri debeat; §. 12. civiles autem leges peculiares ob ra-
tiones, uni alterive negotio peragendo, certas quandoque so-
lemnitates praefiniverint; hinc & in renuntiatione valida earum-
dem omnino habenda est ratio. Eandem vero solemnitatem quae
ad principale negotium requiritur, & in accedente renuncia-
tione adhiberi necesse est. vid. supra §. 3. Facile hinc patet, quid
de renuntiatione beneficii Curatoris a femina contrahente fa-
cta, judicandum sit, de cujus valore vel verbum facere piget,
cum

cum totius principalis negotii validitas ex Curatoris auctoritate pendeat.

Ita omnino valore destituitur pactum uxoris cum marito non interveniente Curatoris auctoritate initum, quo portionis statutarie lucro renunciavit. Dissentit equidem Carpzov. P. 3. C. 7. D. 15. putativa hac ratione innixus: quia scilicet uxor hoc casu non juri perfecte quæsit, sed lucro tantum futuro renunciaret. Verum enim vero satis lubrica videtur hæc distinctio, sufficit enim jus ad istud lucrum consequendum, certum se in præsentem quæsitum esse, ejusque abdicatone uxoris aliquando successuræ conditionem maxime deteriore reddi. Summa legum Saxonicarum ratio, quæ uxorum conventionibus, Curatoris adhibendi necessitatem præsumunt, in eo maxime vertitur, ne amore aut reverentia maritali inductæ, jurium atque bonorum suorum jacturam facile incurrant; unde in Decis. El. 24. expresse cavetur: in contractibus uxorum cum maritis, aut in commodum eorundem celebratis, alium omnino Curatorem esse adhibendum, vid. Philipp. ad. d. Dec. Obs. 6. quod & ipse Carpzovius ad Const. El. 15. P. 2. Def. 23. jam docuit. Neque ullum discrimen inter bona jurave uxoris præsentia atque futura, certa spe radicata, constitutum legitur; sufficit uxorem utriusque casu, sive præsens, sive futurum jus amittat, æquale detrimentum incurrere posse. Accedit, quod nec donationem remuneratorem ab uxore sine Curatoris consensu, marito factam, validam statuat Carpzovius P. 2. C. 13. Def. 5. qui igitur talem renunciationem, rem maximi præjudicii, quamque donationis naturam habere ait l. 1. ff. d. transact. validam petuit pronunciare? Nullius certe valoris æstimanda venit, ni & salutaria curatoris consilia, uxori & portionis suæ quantitatem, & insignem ex renunciatione venientem jacturam ob oculos ponentia accesserit; quam quidem sententiam Responso Fac. jurid. Vitteb. confirmat ill. Do. de Berger in Oec. Jur. p. m. 471. Not. 4. eamque & Amplif. Fac. Jur. Lips. M. Febr. 1725. placuisse, testatur sequens a Consult. ff. Dne. D. Kästnero nobis communicatum Responsum: Dennoch aber und diem Weil das Eheweib, der Erbschaft und aller iher weiblichen Berechtigkeiten daran sich begeben, und

Deca

Vergleichen bedenkliche renunciation und actus, daher der renuncirenden Weibes Person ein nicht geringes præjudiz erwachsen kan; ohne Beysehn eines Curatoris und dessen Auctorisirung nicht verrichtet werden mag, vielmehr wenn solches ohne Beysehn des Vormunden geschehen, vor null und nichtig zu achten; So ist diesem ungeachtet A. & hinterlassene Wittibe, aus ihres Ehemannes Verlassenschaft, portionem statutariam annoch zu fordern wohl befugt.

Ita porro Donator, donationem 500. solidos. excedentem. (quorum quilibet Aurei Hungarici s. Ducati, scil. 2. Rthlt. 18. Gr. pretio constat, a. P. 2. C. El. 14. & 12. uti pron. Scab. Lips. in caus. J. C. R. Credit. Wesen bettl. Mens. Oct. 1731.) judicialiter infirmendam curet, atque huic solennitati, sine qua totus actus ipso jure est nullus, renunciare nequit. Stryck: d. C. C. §. 3. c. 9. §. 5. Et: quanquam accedente jurejurando, ex principis Jur. Canon. omnino servanda sit hæc renunciatio; vid. Illustr. Dn. de Boehmer in Jur. Eccl. Protest. L. 2. T. 24. Stryck. c. l. attamen in Saxonia El. etiam jurejurando hoc casu valor denegatur per Decis. El. 26. Idem dicendum de solennitatibus in testamenti confectione adhibendis, l. 31. C. d. Testam. l. 55. ff. d. legat. ibique Gothofred.

§. XVI.

Validitate porro destituitur renunciatio l. f. C. d. revoc. donat. a donatore facta, Carpz. Dec. 123. n. 5. Stryck. d. C. C. §. 3. C. 9. §. 7. Schæffer Synops. jur. d. Donat. in fin. Communis tamen ratio, quia nimirum hoc casu donatario delinquendi occasio præberetur, mihi vix calculum mereri videtur, ordinaria enim via, remedium scil. actionis injuriarum & delationis judicialis donanti adhuc suppetit, vi cujus ingratitude criminis vindicare potest. Mihi potius hujus rei decisio ex regula supra §. 3. præstructa, qua renunciationem accessoriam, principali contrahentium intentioni repugnantem, invalidam & quasi non adjectam haberi monstravimus, petenda videtur. Scil. donatio simplex (de remuneratoria enim sermo non est, quippe quæ ob ingratitudinem revocari nequit, B. Menck. ad ff. d. Donat §. 18.) mente in aliquem confertur, ut donantis benignam liberali-

tatem, grato animo agnoscat ac prosequatur; magis enim collata liberalitas ad gratitudinem inclinare, quam ad insolentiam erigere deberet donatarium; l. 1. C. d. rev. don. postea vero, dum neglecto hoc pietatis officio, facinus a l. f. C. d. T. notatum in donantem admittit, cessante hujus intentione, ipso quoque jure talis beneficii indignum se reddit, ideoque non obstante renunciatione, quæ tacitam conditionem: si gratus extiterit donatarius, continere præsumitur, munere collato, communi JCtorum applausu, a donante iterum privari potest. Verum enim vero juramenti adjectionem & hoc casu renunciationem validam & donationem irrevocabilem efficere, cum Carpz. Decif. 123. n. 14. ac Brunnem. ad d. l. f. C. d. rev. don. autumamus, quamquam aliis, uti Schœpfbero in Synops. Jur. d. Donat. in fin. suspecta hæc videatur sententia, ob vulgarem supra adductam rationem, quæ tamen jam explosa fuit, cum occasio delinquendi, etiam non facta Donatione donatario existere, ipsum vero delictum alia adhuc via quam donati revocatione coerceri possit, adeo ut jusjurandum ex juris Canon. dispositione hic omnino sit servandum.

§. XVII.

Observatis itaque tribus hucusque evolutis regulis, non dubium, quin libera cuilibet ex l. famosa 29. C. d. Pact. & l. 41. ff. d. Minor. juri pro se introducto renunciandi competat facultas, atque ad semel renunciata amplius non detur regressus, l. 41. § 9. ff. d. ædil. ed. Cæterum vero strictissimæ interpretationis esse dicitur renunciatio, adeo ut a persona ad personam non trahatur, nec a causa ad causam extendatur, l. 21. C. ad SCTum Vellej. l. 31. C. d. Transact. Dalner. Tr. de Renunciat. C. 1. §. 55. Lyncker. Decif. 435. imo nec præsumatur neque ex actu proximo, sed probanda evidenter, l. 35 §. 2 C. d. inoff. Test. cum nemo adeo resupinus sit, ut pecunias suas facile jactet, l. 25. ff. d. probat. nec ulla ratio verisimile reddat ut quisquam beneficium suum facile sine magna causa sua sponte resignet, Cap. 5. X. de renunc. Inde DD. ex l. all. 35. §. 2. C. d. inoff. Test. concludunt, renunciationem hæreditatis generalem, ideo non excludere

dere legitimæ aut dotis congruæ petitionem, cum generalis renunciatio, specialia haud tollat privilegia, a l. 4. §. 4. ff. si quis caut. Richter Decif. 69. n. 15. Brunnem. ad l. 35. §. 2. C. d. inoff. Test. Struv. JPR. R. G. L. 2. T. 34. §. 5. nisi juramenti accessio, specialis hujus beneficii usum prohibeat, Carpz. P. 2. C. 35. D. 16. Brunnem. all. l. n. 18. aut speciatim quoque legitimæ fuerit renunciatum.

§. XVIII.

Verum enim vero, sive jurato sive injurato, (modo loci consuetudo, ut Saxonum mores in filiis, id permittat) sive generaliter hæreditati, sive speciatim quoque legitimæ renunciatum fuerit, ego nunquam hujus petitionem locum habere posse existimaverim; ratio enim adversa, quod scil. hæreditatis renunciatio generalis & odiosa, hinc restringenda potius quam extendenda videatur, hoc casu, ubi tot diversimoda, de quibus renunciatio probabiliter non cogitasset, haud concurrunt jura, vix stringit, eaque hic admissa, etiam exheredatio & illi quem pater ab hæreditate sua in genere justo modo exclusit, legitimæ petitio adhuc foret concedenda, cum non speciatim ab hac, sed generaliter saltem ab hæreditate fuerit exclusus, prætereaque magis odiosa sit exheredatio, ipsa hæreditatis renuntiatione sponte suscepta; quem vero jurisperitorum latet, talem exheredatum nec minimam legitimæ particulam sibi vindicare posse? qui enim jus succedendi ab intestato amisit, ille nec ad legitimæ petitionem admittendus est, Brunnem. ad l. 8. C. d. inoff. Test. n. 3. Cumque hæreditas jus quoddam universale & legitima pars ejus dicatur l. 62. ff. d. Reg. Jur. l. 6. C. d. inoff. T. in toto vero partem contineri l. 113. ff. d. R. J. & generalibus specialia semper inesse l. 147. ff. eod. nemo sit qui ignoret, apodictica sane inde nascitur veritas, filium qui universæ patris hæreditati renunciavit, nec tertiam vel quartam ejus partem petere posse, vid. Stryck. de Success. ab Int. Diff. 8. Cap. 10. n. 62. & 63. Ludovici ad ff. de Testam. §. 6. Certe communis obiectio L. 35. §. 2. C. d. inoff. test. huc parum
13 facit,

facit, ibi enim dicitur: Filium, quamvis legatum infra legitimam quantitatem, a patre sibi relictum, post ejus mortem acceperit, nihilominus ejus, quod legitimæ deest supplementum adhuc petere posse, cum nulla, ne quidem tacita, hic, intercedat renunciatio; quis autem maximam hujus, ab illo nostro casu, non perspicit diversitatem, cum hic nulla plane, ibi vero expressa renunciatio adsit; & miror, dissentientes, plerosque ac inter eos Brunnem. ad d. l. 35. n. 18. filiam hæreditati jurato renunciantem a legitimæ quidem petitione excludere, aliis vero simpliciter renunciantibus eandem adhuc concedere; cum tamen ex supra dictis pateat, simplicem hæreditatis renunciationem, iis in locis ubi recepta, (ut in Saxonia in filiis) idem operari ac juratam, Carpz. P. 2. C. 35. D. 8. proinde eadem utroque casu militer ratio, sive jurato, sive absque juramento renunciatum fuerit, indeque salva maneat sententia: eum, qui ab universa hæreditate sese abdicavit, nec ad legitimæ portionis petitionem posthac admitti. cf. Giph. de renunciat. Cap. 6. pag. 50.

§. XIX.

Hucusque dicta, ad legitimam saltem restringenda, non dotis petitionem proferenda esse, facile patet, dos enim, cum vivo adhuc patre peti queat, paternæ hæreditatis pars dici non potest, Giph. c. l. pag. 47. nec in ea successio est, Berl. P. 2. C. 43. n. 18. sed filia etiam successionis incapax eandem consequitur l. un. §. 11. C. d. rei ux act. quin & a legitima, quæ ex alio plane capite debetur, valde discrepat, Kellenbenz d. renunciat. Success. Qu. 2. n. 41. unde non obstante generali filiæ renuntiatione, salva ac integra ipsi dotis petitio manet, arg. Cap. 2. d. pact. in 6to. Mævius ad Jus Lub. P. 2. T. 2. art. 34. n. 23. Gallerat de renunciat. T. 2. Cent. 1. Renunc. 51. n. 2 add. l. 11. ff. d. inoff. Testam. ibique Godofred. Eorum tamen sententiæ, qui, dote ab initio non constituta, nullam statim dicunt renunciationem, subscribere haud possumus; cum filiæ dotatio nullibi ad essentialia hujus renunciationis requiratur, sufficit dein adhuc dotem peti posse; Stryck. de S. a. j. Diss. 8. C. 10. n. 24. Giph. d. l. C. 2. pag. 53. Ludovici ad ff. de Testam. §. 6. Ita porro nec filiæ

aliisve

aliisve cognatis, hoc casu, rerum utensilium successio in Saxonia deneganda, Stryck. d. l. §. 70. Carpz. d. donat. Gerad. th. §. n. 26. quippe quæ non jure hæreditario, sed ex legis special. privilegio hisce personis deferuntur; Carpz. P. 2, C. 14. D. 1. n. 2. & P. 3. C. 11, D. 1. n. 3. id. quod etiam de rebus expeditoris asserendum, utraq; enim quadam juris æqualitate sibi invicem respondent, & quicquid juris est in gerada respectu cognatorum, idem quoque obtinet in rebus Hergeweticis respectu agnatorum. id. P. 3. C. 14. d. 26. n. 2. & P. 3. C. 11. D. 9. n. 7.

§. XX.

Cæterum doti valide renunciare posse, eleganter deduxit Bodinus in Dissert. de renunciat. dotis facta, §. 6. sqq. æque ac legitimæ, tanquam juris in favorem liberorum solum introducti, a. l. 31. §. 4. ff. d. inoff. Testam. l. 35. C. eod. Mev. p. 5. Dec. 283. n. 7. Stryck d. l. C. 10. n. 52. modo ea sit liberorum conditio, ut alimentis sibi honesto modo comparandis sufficiant, quippe quibus nequidem ad alimenta amplius obstringuntur parentes, l. 5. §. 7. ff. d. agnosc. & al. lib. maxime si inertia aut laborum fastidio depravati otiose corrupti, semetipsos propriæ utilitatis quærendæ reddant inhabiles, hi namque iis, quos in publicum quæstum improba mendicitas vocat, similes existunt, proinde, si integritas corporis & robur annorum adsit, auxilii paterni indignos se efficiunt, vid. l. un. C. d. Mendicant. valid. secus igitur si egestate aut valetudine pressi, semetipsos exhibere non valeant. d. l. 5. §. 7. j. l. 4. ff. eod. Stryck. c. l. n. 60.

§. XXI.

Id tamen stricta renunciationis interpretatio operatur, ut filius paternæ hæreditati renunciâns, a fratris sororisve hæreditate haud excludatur, etiamsi non nisi bona paterna in ea reperiantur. Gail. L. 2. O. 148. n. 12. Carpz. P. 2. C. 35. D. 16. Stryck. d. C. C. Sect. 3. C. 3. §. 15. Renunciatio enim ad illas tantum res aut personas, quibus renunciâns consensum suum accommodavit, coarctanda; l. 21. C. ad Scutum. Vellej. ibique Gorhofred. lit. K m. hæ-

m. hæreditas autem patris a fratre semel adita non amplius dicitur patris hæreditas, sed fratris proprium patrimonium, Carpz. d. l. n. 6. Cumque omnis renunciatio, cum clausula: rebus sic stantibus, facta intelligatur, & novo statu s. causa emergente, mens ac intentio renunciantis cesset, a. l. 38. pr. ff. d. Solut. Carpz. P. 2. C. 35. D. 23. etiamsi iusjurandum accesserit, id enim beneficio ex nova causa delato, quominus id denuo acceptari queat, minime ob stare dicitur in Cap. 2. X. d. renunciat. conf. supra §. 3. Ergo & hoc casu filius, quando pater, cujus hereditatem ante abdicaverat, jus sibi ex pacto quasitum remittit, filiumque denuo hæredem instituit, defuncto patre ejus hæreditatem adire non prohibetur, modo non simul fratribus l. agnatis acceptantibus facta fuerit renunciatio. Struv. Ex. 38. Th. 50. Stryck. d. Succ. a. Int. Diff. 8. c. 10. §. 108. B. Ludovici ad ff. d. Testam. §. 6.

§. XXII.

Quotiescunque igitur, de alia quamdam diversa que renunciantis mente ac intentione, probabilia adhuc suppetunt argumenta, toties minime fingenda erit renunciatio, aut ejus, si vere facta, extensio facile admittenda; neque enim hic, ut supra §. 19. monitum, a specie aut actu expresso, ad actum speciemve non expressam valet consequentia, etiamsi quædam rationis deprehendatur paritas. Illstre exemplum præbet l. 7. §. f. ff. d. SCto. Maced. quæ d. SCtum cessare statuit, si paterfamilias factus filius solverit partem debiti antea contracti, nec solummodo repeti posse. An vero in totum cessabit SCtum, prouti Zæsius, Brunnem. Lauterb. Hoppius alique autumant? minime, sed pro ea tantum parte, quam filius persolvit, cujus non habet repetitionem, d. l. ex parte autem residui, nisi & hujus solutionem sponderit, integrum omnino hoc manet privilegium, Gothofred. ad. d. l. lit. b). Schilter. Exerc. 27. th. 72. sqq. Beyer ad ff. d. SCto. Maced. pos. ult. Not. g) & omnino Berger in Resol. Lauterb. d. T. qu. 5. ubi dissentium argumenta solide refellit. Nobis interim maxime incongrua præ ceteris videtur Hoppi dissentientis ratio, quam

quam in Comment. ad Inst. L. 4. T. 7. ad §. 7. verb. Suae potestatis esse &c. apponit: quia enim, inquit, pars non est, nisi totius, inde quicunque partem solvit, totum debitum agnovisse videtur. Quis autem non perspicit, hanc assertionem, ubi a particulari concludit ad universale, regulis logicis, vel cuivis tyroni notissimis, quam maxime repugnare? Eandem ob rationem l. 9. pr. ff. d. T. ei, qui pater amilius factus, rem pignori pro mutuo ante contracto, dederit, SCti. Maced. exceptionem usque ad pignoris tantummodo quantitatem denegat. Aliud exemplum in l. 3. ff. d. pactis, ubi decisum legitur: Creditorem, qui debitori suo pignus ab eo acceptum reddiderit, ideo debitum suum remisisse non censi, nisi specialiter contrarium actum esse probetur. Ita ille qui e duobus servitutibus, in alterius praedio sibi constitutis, unam domino remisit, alteram, licet nexu & cognatione quadam priori junctam, nihilominus salvam habet, l. 21. ff. d. Serv. U. P. l. 20. d. Serv. P. R. ubi exempla. Sic Modestinus in l. 23. ff. d. donat. respondit: creditorem futuri temporis usuras remittere & minuere pacto posse, nec in ea donatione ex summa quantitatis vel sortis aliquid vitii incurrere. Quemadmodum nec ille, qui sortem sine protectione a debitore acceptavit, ab usurarum ex stipulatu sibi debitarum petitione posthac excluditur, Carpz. P. 2. C. 30. D. 13: Mev. P. 1. Dec. 219. n. 1. B. Menck. ad ff. d. Usur. §. 17. Denique & huc pertinet notabilis ille casus a Magnif. Dno. D. Rivino in Dissert. de Pactis dotalibus, in quantum statutis derogent l. minus, Lipsi. Ao. 1723. hab. una cum responsis Collegiorum sibi ipsis contradicentium, propositus: an scilicet a marito cui in pactis dotalibus certa pecuniae summa dotis loco constituta & post mortem uxoris retinenda, hisce verbis: Dasi ihme, dem Ehe- manne, sothanes consttuinte Ehe- Geld an 4000. Rthaler., wenn die Braut vor ihm mit Tode abgehen würde, alleine verbleiben, und er nichts davon heraus zu geben schuldig seyn solle &c. adscripta fuit, tacitam successionis mobiliaris Saxonicae renunciationem factam fuisse praesumendum? quod jure meritoque negavit laudatus Dominus Autor, eo quod portiones statutariae re-

nunciatio haud praesumatur, quippe quae similem cum legitima naturam haberet, adeoque & in hac privilegiata successione, expressa & sufficiens paciscentis declaratio & aequae ac in legitima abdicatione, ex mente quidem laudati Domini Autoris, specialis renunciatio necessaria esset; quibus argumentis, vi regulae in princip. huj. Sphi a nobis praestruata, & haec addimus: *Quotiescunque scil. in pactis de alia atque alia paciscentium mente ac intentione possibiles conjecturae suppetunt, toties ea potius sententia amplectenda, quae nullam continet renuntiationem;* Atqui in hoc praesenti casu, ea pactorum & dotium accipi potest sententia, ut scil. marito summa dotis determinata & post mortem uxoris retinenda, eum in finem assignata credatur, quo si forte mobilia ab uxore aliquando relicta, istam dotis nondum numeratae quantitatem non attingant, eadem ex immobilibus suppleatur & a reliquis successoribus praestanda veniat; siquidem pro dote praestanda, bona uxoris hypothecae tacitae nexu marito obligantur, l. un. C. d. rei ux. act. adeoque vix dubium, quin mortua uxore, ad dotem promissam consequendam actio & hypothecaria & conditio ex l. 4. §. 6. C. d. jur. dot. marito superstiti, competat. Accedit quod nec ex hoc capite frustranea dici queat haec dotis constitutio, quia scil. & marito, propter dominium indeque pendentem vindicationem, & uxori, eveniente forsitan ad bona mariti Creditorum Concursu, pecuniaria inde nascantur privilegia, vid. Ludovici Ul. pr. distinct. jurid. L. 23. T. 3. dist. 4. Patet ergo eam omnino sententiam esse arripiendam, quae citra praesumptionem tacitae renuntiationis, salvam tribuit marito successionem mobiliarem.

S. D. G.



Praelo missum A.R.S. M DCC XLI